

麗水縣志

卷三

2002.203

41

部=3

麗水縣志卷三

山水

麗為山縣郡志載其名僅三十有九隘矣至舊志廣其數為百餘今復事搜採取其尤著者補綴於後而孕奇蓄異品目未加者尚不知凡幾也水約以數十計而通舟航之利者曰大溪蓋經流惟此耳今備著其次第曲折而支水之會於經者則件繫書之覽者可以瞭如矣

棗山 在縣治北郡署據其麓

菱山 在棗山西北西為通惠門城闌東為總戎瞭臺邑治西

北鎖鑰也明張敦復王廉居此廉因以山名集今其巔建護

麗水縣志

卷三

山水

麗水啓明印刷所代印

國夫人廟

(張敦復詩)雙障嵐光合孤亭野色分樓臺渾未盡斷處補間雲(皇甫汭詩)張平樓隱處閉戶只條

然心遠雲林外春歸花鳥先草間寒積雪竹下暗鳴泉欲訪辛夷塢題詩寄惘川

萬象山 在縣治西南城中之山此為最高宋參政何澹建萬

象樓於其上山因以名元改為崇福寺明萬歷中右參議徐

雲程建一覽亭於前俯臨城市近挹溪光儼若圖畫清道光

十八年寺僧達真因亭建樓羅學使文俊以煙雨榜之

詳見古蹟

門 左有大觀亭松篁鬱鬱亭後為秦淮海祠咸豐十一年寺

燬於寇松篁亦斬伐無餘同治四年知府清安命里人董紹

裘仍植以松今漸成林有葱蘢之象矣

(張敦復詩)地控蒼山溟海迴鯨波東抱巨

靈開中天樓閣虛空出萬象風烟曠野來苔古甯磨松雪石秋高悅上葛洪臺微雲點綴城頭月鼓角今宵且莫催



(喬因阜詩) 峇嶢鷺嶺出林端風景真能慰壯觀江上羣山遙對酒城中萬戶迴憑闌層空日隱雲霞爛綺閣宵分燈火殘愛客仲宣知未厭重來倘許更邀歡(徐望璋詩) 青山佳氣鬱葱蔥爽賴松生滿壑風期與高朋游汗漫來從老衲說玄空樓頭烟雨懷詞客亭外鶯花溯寓公匹練澄明秋水落估帆掩映夕陽中城端幾疊擁仙鬟底處飛來有此山半幅歸雲依木杪數聲清磬出禪關綠籐春老人在碧蘇碑深

釋山 在縣治西南山舊多釋木故名唐刺史李繁因古社稷

壇廢址建夫子廟於其上俗呼廟山今縣學在焉

錦山 在縣治西與菱山相對舊多蒔桃花時若錦繡

月山 在萬象山東(案)得名之故殆不可考括蒼彙紀以為月初升先得其光望文生訓失之誣矣

姜山 在釋山西宋秦觀謫監酒稅時常居此山山前即酒稅

局故址姜綬故宅在焉山上有懸藜閣及元鄭似山墓(端木國瑚

麗水縣志

卷三

山水

二

麗水啓明印刷所代印

姜山秦淮海監酒稅處詩鶯花昨夢總飄零一笏姜山似舊青木石流傳餘氣韻詩篇寄託有精靈小塍荒草埋吟屐隔代蒼苔出酒瓶太息藤州人去後難將風月問園丁自注云嘉慶初土人於其處掘得宋時酒瓶

梅山 在富山東宋姜特立別業在此故名其集曰梅山栝蒼

彙紀云宋士大夫多居此今山上下皆何氏宅有翠微閣悠

然堂歸雲亭案今何氏亦星散山石剝落類雞冠故俗呼雞

冠山矣(顧大典詩)東風吹不斷門掩暮山青雲度鳥飛疾花深畫欲暝亭開招隱地人應少微星歡賞情無極歸

軒列炬熒又富山之西亦名梅山上有金鐘廟廟中有梅山修路

碑

富山 在釋山東即古三皇嶺明嘉靖中因三皇廟廢址建元

勳祠祀誠意伯劉基

囿山 在富山東古名新意山有山堂爲宋給事王信別業鄱陽洪邁爲之作記今爲忠靖王廟法海寺在其麓

圭山 在囿山西明太僕張敦仁以倭警徙居山麓嘉靖間郡守高超建圭山臺於上清康熙間郡守劉廷璣就臺建閣以祀文昌咸豐十一年閣燬於寇同治十二年知縣彭潤章籌款重建光緒十五年知府陳璠重修山西爲蓮城書院東爲萬壽宮官民祝釐之所今俱拆毀改爲省立第十一師範學校矣

（張敦仁登圭山臺詩）新卜茆居傍石臺每從臺上一徘徊爲嫌城市風塵暗却對江山日月開練水雨餘飛白下巾山雲盡送青來自憐野眺供遲暮敢負登高作賦才

華祠嶺 在縣治西街

麗水縣志

卷三

山水

三

麗水啓明印局所代印

迎秋嶺 在府學東嘉慶間教授張駿因俗呼迎秋爲泥鰍改題龍門字以榜之今或昧其故名矣

以上城中山 （案府志）城中山有天皇嶺山堂嶺考天皇蓋天王之訛今不在城中山堂則囿山一小徑耳今

不錄

壽元山 在縣北十里崔巍雄峻爲郡之鎮山山北爲陳寮又名陳寮山

琰杯山 在壽元山西南二山相對如杯琰土人呼杯琰爲琰杯故以名山

麗陽山 在縣北十里壽元山右麗水出焉山南爲麗陽廟
白雲山 在縣北十里高六百餘丈練水出焉叢篁老樹蔽日

搖風盛夏登臨清涼沁骨山阿時有白雲湧出可占晴雨中
有福林寺寺前曰鏡心池池左曰借閒堂爲明光祿卿王一
中讀書處寺西一峯孤峙曰仰天甑山下雷雨交作峯巔猶
烈日也山半有冷泉半山歸雲諸亭大旱祈禱輒應禮所云
能出雲爲風雨者也

(孟淳詩)萬壘巉巖一徑開中間空洞白雲堆陽坡草軟人稀到時有青猿曝背

來(邊貢詩)絕頂烟霞湧佛宮腰輿百轉路纒通羣山下瞰惟蒼靄孤嶂高懸有烈風跌坐可憐禪榻穩豪吟那放酒杯空欲尋地主搜靈異東栝名山更幾重(汪瑛詩)夕陽下山去我却不見故來磴道消殘雪阮橋滑翠苔峯高寒月小洞黑暗雲埋不見故人面惟聞山鳥哀心期雖已副襟抱竟難開折路詢樵牧深秋怯虎豺罄息齋方罷門局首重回山靈應笑我歸步自相催

(皇甫詩)春山行處盡始覺白雲深錫化無僧住鐘鳴有客尋花溪遙隱壑蘿徑曲通林坐得浮生理悠然忘我心(玉一中詩)

挾策耽幽勝羣峯入望明霧深元豹隱雷動蟄龍驚羨爾探禪乘偏余涉世情白雲如有意去路幾迴縈(車大任詩)撫景臨朱

麗水縣志

卷二

山水

四

麗水啓明印刷所代印

夏寒帷人白雲遙尋香積地先謁麗陽君老樹何年種清池一鏡分問奇我意在法藏有同文蓮城名宇內蘭若倚山顛輪轉三車吼峯攢百丈懸香泉開淨土遠樹帶晴烟咫尺龍湫雨春回萬頃田白雲最深處舍利護金身萬弓披全藏三生悟宿因鐘殘山月小臺散雨花春歲暮提長禪師獨臥輪古寺雲長白高人心自支酒邀芳草路農喜麥秋天宗鏡三歸悟神燈萬葉傳使君愛初服騎從遠山前(周茂源詩)郡樓北望鬱峯曉絕頂烟林鹿苑遙參悟欲尋金粟果行雲先發白雲謠一從開士留飛錫時引高人度石橋最是方塘凝碧處夜深恐有老龍朝禪棲偶涉已忘家此處靈山路未除覽勝春郊遲五馬馭心淨地演三車紫衣坐擁(劉廷璣詩)朔風聲裏雪初晴踏雪凌風上翠屏絕頂正愁三折路半腰誰搆老僧方課午時經寺在青霄歲寒來石更青清罄忽從雲外落老僧方課午時經寺在青霄第幾重門尋不見白雲封林中時過生風虎潭底常歸帶雨龍繞屋無牆多種竹過橋有路半栽松却因翠色交加處遮斷臆南四五峯(袁枚)登白雲山望處州城詩(高絕)白雲嶺登臨忘世間一州如斗大四面總山環竹影春波綠僧如野鳥閒羨他張仲蔚到此閉禪關自注云常州張秀才披蘿於此釋名良緣

水簾洞 在白雲山北二十里高倍於白雲蓋以山下石室得名也室廣丈餘深三丈許盛雨時飛流懸下如垂簾內有泉穴如窪尊深僅數寸而飲之不竭

稽勾山 在縣北一百里峻嶺盤回二十許里漢中記云峻嶒

百重絕壁萬尋既造其峯謂已踰崧岱復瞻前嶺又倍過之此其類矣山北卽武義縣境爲甌括達婺之間道實北鄙要

害也

勞

(劉基詩)白日隱巖壑千崖氣象豪溪流婺女闊山入少微高危石天欹側長風谷怒號干戈方自此行役敢辭

雪峯山 在縣北九十里跨麗縉二邑之間峭壁斗崖攀緣幾

絕上有百丈潭潭水溢而南注乘巖直下眩目震耳今名百

麗水縣志

卷三

山水

五

麗水啓明印刷所代印

丈洩

(案)水經浙江篇酈注引諸暨五洩山而釋之曰此是瀑布土人號爲洩也

下匯山 在縣北七十五里庫川莊石壁窅窅如無道徑稽勾

雪峯二水交匯山下故名

鹿眠山 在下匯山東崇岡疊阜險邃幽深向爲麋鹿所聚獵

者時遇之

離陽屏 在鹿眠山東又名高尖昧且日出光被最先猶泰岱

之有日觀也其下爲金鉤寨危峯圓聳頂乃平曠前明鄉人

避寇於此石堡尙存

牛岱嶺 在縣東北七十五里由麗入縉之間道設險者所當

措意也

大姥山 在縣東北七十里爲麗縉接壤處高二十餘里麗山率其分支也

三條嶺 在縣東北六十里與縉雲接界

青巖洞 在縣東北六十里寬廣容數十人中漸低漸黑莫究其極投以石半晌猶有聲

雙尖寨 在縣東北六十里絕壁峭峙其巔頗平曠元至正明正統間阮里人築堡以禦賊遺址尙存

將軍嶺 在縣東北五十五里元末林彬祖爲石抹宜孫參謀屯兵葛渡往來於此後人因以爲名

西堂山 在縣北六十五里金竹村西山下有西堂廟其所祀麗水縣志

卷三

山水

六

麗水啓明印刷所代印

神卽吳赤烏時檄龍於百丈洩者也詳見大溪水下河條下

九盤山 在縣北六十里西溪之後四面險峻上極坦夷有廢壘名棋盤寨元明間避亂者所築

(朱有章詩)拋却家園上九盤
迤迤步入白雲端山依

北斗心期遠地盡東甌眼界寬
陡覺置身高處險從知行路古來難
昂頭且倚崖邊坐一陣天風五月寒

環山 在縣西北六十里上建奎閣今名鰲山

大鶴山 在縣北四十五里其北爲小鶴山二山亭岩對峙相距里許爲趨婺別道崖峻路危行者攬石摩胸僅乃得過明萬歷中縣人何鋼闢徑山麓崎嶇相似而迂遠彌甚故率由故道云

謝山 在縣西北四十五里四面陡峭徑路幾絕其巔周圍如

盆盎居民十餘家掩映於叢篁古木雲中雞犬非復人間

季嶺 在縣西北四十五里細徑紆回劣堪容步謂之十八折登峯造極衆山俯若兒孫矣山脊路尤險窄如度危橋

時風洞 在縣西北五十里珠衝季嶺之間懸崖百仞下臨深澗上逼青霄頂有一穴深不可測夜中時有白氣上騰投以小石輒隨風而出

景寨 在縣北四十里長瀨村後邈迤十餘里唐世鄉人避亂築壘於此巨石猶纍纍焉

梓巖洞 在縣東北五十五里洞廣四丈許中有泉穴禱雨輒應其下山水所經爲葛渡

麗水縣志

卷三

山水

七

麗水啓明印刷所代印

梅田山 在縣東北四十里舊爲赴縉雲官道鄉民立市於此古驛廢址尙存

玉山 在縣北三十五里上有玉山廟

八面山 在縣北三十五里於衆山匝中離立孤聳人蹟不到時有丹霞白雲往來游曳

風雲山 在縣北三十里連山插漢峻磴摩雲上有一峽如門彙紀所謂風門嶺也山脊磊石爲寨蓋昔時設險守望之所霧露尖 在縣西北三十里層巖峭舉時蒙煙霧西岡三里許多赤石名石龍岡

桐樹岡 在縣北三十里

（張安吉詩）石磴紆回最上層
豁山歷歷記吾曾雲盤山勢雙龍下風捲豁

聲萬馬騰臨水人家環翠竹斜陽僧院挂紅藤到來便擬神仙宅多事三霄控鶴昇

破靴嶺 在縣西北二十五里古設菱阮驛於此

鳳凰山 在縣北二十五里單立銳上亭亭秀峙其顛清冷一

泓沙明水淨俯視潛鱗如可手拾山有塊非土非石圓若雞

子旋去旋長俗謂之鳳凰卵

(案)十國春秋載鶴衣道人醉臥處州鳳凰山下爲里婦所詬跨

鶴而去後人建祠祀之卽今報恩光孝宮云云此乃龍泉之鳳凰山見何執中龍泉萬壽宮記

黃山 在縣北二十里上有二石廣五丈許層疊如磨合力推

之可旋轉云古有仙人煉丹於此故名仙人磨

甘泉山 在縣北二十里元季避兵者磊石爲寨周氏女善才

拒賊死此

麗水縣志

卷三

山水

八

麗水啓明印刷所代印

顯佛壇 在縣北二十里山半有佛像不甚了了諦觀益真以

下臨深潭莫能迫察焉

烈孝崖 在縣西北二十里官橋村南元末祝岷母子遇賊投

崖處後人刻烈孝崖三字於石壁山之西曰曹塢岩間橫刻

寅卯年避亂在此七字下凡三行曰亥子丑年天下大亂在

此岩下安偈十四字又有觀世音三字蓋題者幻名不書何

代意在元至正十九年己亥以後胡大海等取處州元明鼎

革之交也鄉沒於苔蘚道光二十年樵夫搜剔出之

朝笏巖 在縣西北十五里武村莊挺立水中高十餘丈形若

拱笏又名將軍石

桃山 在縣西五里衆岫沿溪森如列戟爲西北雄障有一石狀若癭僧面壁兀立故又名石僧山山西有小穴僅容手試探有圓石盈握至穴口輒不得出手開石墜綠碌有聲謂之

桃山寶藏

(案)括蒼彙紀云宋紹興間劉大中以兵部尚書出守處州未幾召還上問石僧之狀大小對以詩曰

雲作袈裟石作身巖前獨立幾經春有人問我西來意默默無言總是真考湖海新聞宋高宗一日坐寢殿湯丞相思退侍立上曰卿家處州有何迹思退曰臣鄉有石僧題詠云云遂大稱旨本無此詩徹夜遣人歸刻於石僧之旁二說互異均之不根耳

湯山 在桃山東南臨大溪北俯練水交帶互映雅稱麗矚其

上澗阿幽邃草樹蔥鬱昔有湯姓者隱此故名

天王山 在通惠門西向有唐天王像又有碧霞元君祠祠中

麗水縣志

卷三

山水

九

麗水啓明印刷所代印

銅像高五尺清乾隆間以祠久廢遷像於縣治西碧霞元君

廟今改爲泰山廟

(案)名勝志云在府城西北隅城壁繞其上此因唐宋舊治言之今不得仍其語矣金

石史云唐時西蕃寇西涼詔僧不空入誦仁王密語神兵見於殿庭西涼果奏雲霧中見神兵鼓噪蕃部有金色鼠昨絕弓弦

城均幻光明天王怒睨蕃帥大奔帝救諸道城樓置天王像是山故城址後城徙而像存遂以像名山也宋元符元年方壘等

三岩磨崖云過天王晚宴寺門又口碩夫等磨崖亦有晚過天

王山語則當時爲游觀之所矣(劉涇詩)金碧爲家定化城書牀

南堰略相迎人間蝶夢正深黑天上木魚初發明半里好峯招

隱路一枝枯竹助閒行已慚懷絨無高致可更標門著姓名

小栝蒼山 在城西里許卽小栝山又名蓮城山亦名九盤嶺

唐宋州治皆在焉卽今之西山也與城中萬象山岡阜連接

夕照惆悵
范公亭

(案)書牀蓋山名今無能確指(顧大典詩)喜得求羊侶來尋古郡

(案)真誥云小括蒼山在水嘉溪橋之北左慈元放所治列仙傳云左慈建安末渡江尋山入洞在小括蒼山道家之說率多不根他若衆仙記等書附會尤多今悉不錄(李淳詩)括州故治俯城頭夏日相將避暑游雙合溪流縈似帶九盤山氣爽於秋懷人怯誦鶯花句覽勝宜登烟雨樓惆悵遺踪無可問祇餘西寺磬聲幽

三巖 在縣西北二里巖之類屋者三中巖曰白雲最高敞右壁有宋戎鈴題名前懸瀑斗注如建瓴高屋下巨石屏立激水四散屏石之陽刻唐李邕雨崖二字字大徑四尺陰爲宋劉涇詩刻其上峭壁俯出有宋通判黃管郡守安劉等題名由中巖前而左步漸下有石如門稍進岩形如半月是曰清虛由中岩抄仄徑前而右壁上篆刻斑駁唯岩字可辨其半劉涇詩所云消磨篆不文者殆謂此矣徑盡岩曰朝曦高廣

麗水縣志

卷三

山水

亞白雲而過於清虛游人詠吟飲宴率安硯席於此後有石丹碧如繪暗泉出石罅鑿小池承之曰丹泉自晨曦右轉循磴道逆上復有巖差小登之如層樓舊無名故僅曰三巖也三巖嶙峋岬岬不粘寸土而蒼藤穴石垂荔引波勝概天成不假人力又地在近郊無裹糧之費躡屐之勞故遊踪如織

云 (案)三岩之名始於宋州守李堯俞李記所云岩前池廣數畝者今唯承溜處有池半畝許所云北有石谷如犬竇者已不可問故以目驗者書之而綴原記於後詳略可互證焉(李堯俞三岩記)括蒼三岩距城一里餘土人不之奇皇祐初余同幕僚韓純訪近郭溪山而得之始出左渠循狹徑入茂林修石間有岩負巒巒景物蕭然疑在物外目之曰清虛自清虛南過石徑直上磴道十餘級又有岩廣闊高大倍於前洞門面曰白勢若壁立山椒有瀑灑落石外寒暄之氣變於跬步目之曰白雲由白雲轉兩石門有方沼上廣橫石如小梁復有巖巖如屋深袤五丈廣踰六尋可設宴豆面勢向東目之曰朝曦其北

麗水縣志

卷三

山水

麗水啓明印刷所代印

有石谷如犬竇燧火而人遂如房宇但見積水清激不復窮其
 遠近三岩前有池不啻數畝廣水光山色高下相激奪人目睛
 昔謝公爲永嘉守有石門之游至今流詠不已較於是遠所不
 及何數百年不遇一人稱道耶嘉平月既望不率同僚高會劇飲
 不復有人間思慮盤桓夕景躍馬而歸乘輿揮毫題於洞壁無
 (姜特立詩)一見便非凡世界恍然兜率化成宮未分混沌天無
 巧已鑿谿訝鬼有功百尺飛泉晴亦雨四時陰穴夜吹風莫將
 俗駕汚仙境明日紅塵在眼中(邊貢詩)括蒼山叢紛阻修我來
 處處歸冥窈窕南明霞古山鬼中天護秘文巨靈何代勞神斧鸞
 仙府重門窈窕烟霞古山鬼中天護秘文巨靈何代勞神斧鸞
 冷鶴駕不可尋飛蘿懸葛長陰陰揮杯獨酌岩中水一片清冰
 來向山中訪松子(皇甫詩)峭石何年斷飛泉竟日聞虛堂秋
 易入晴樹雨難分夜似觀盧瀑朝疑帶楚雲坐深羅袖冷猶自
 戀氤氳(邱雲霄詩)野情吟出郭幽探入蘿烟諸洞虛生白三岩
 勢欲懸晴雲常結雨寒石暗通泉愛此深冬草青青池水邊(王
 明汲詩)政暇日初永郊行到翠岑溪橋青碧近山寺綠蕪深雨
 後松無暑雲邊竹有陰定泉留古蹟虛谷發清音泛蟻頻舒嘯
 聞鵬若助吟巖前寒溜滴聊爲濯塵纓(王一中詩)三巖洞壑近
 城頭夏日登臨興更幽飛瀑懸崖晴亦雨叢林蔽戶暑先秋捫
 蘿屐印蒼苔滑席地尊開綠蟻浮怪道少微占石隱出門便是
 有丹邱(端木國瑚三岩十詩)石池云石色青到天飛泉挂在樹
 履聲池上來驚起雙白鷺雨崖云寒崖濺疎雨潭上秋慄慄自
 從開關來天晴未一日聽雨軒云蕭蕭岩雨響戶牖皆涼意試
 問此中人春來可曾睡白雲洞云岩洞有波瀾定泉無動寂潭水白
 雲去復來清閒吾與爾定泉云流泉有波瀾定泉無動寂潭水白
 盟此心前來飲涓滴清虛洞云云何是清虛清虛無可象問佛
 佛無言坐聽岩泉響晨曦洞云風雨夜來止棲鳥亦已出洞口
 紅日光老僧來捫龜丹泉云寒泉浸莓苔清深指可測人間落
 葉時此水桃花色無塵處云蒲團靜無垢攜來暫憩歇滿地綠
 無聲竹影掃明月蝙蝠洞云千年白蝙蝠
 化作一童子夜夜月明時洞中聞藥杵
 以上北鄉諸山 舊志

太子山 在縣北三十里層崖峭舉高達雲霄天旱禱雨輒應

村人集資立廟相傳神爲烏衣太子享祀於此

吳山尖 在縣北三十五里山尖極高登其巔諸峯皆出其下

城郭隱隱可見省委測量者曾到此測量此山之半有村名

吳山

雷公洞 在縣北五十五里洞口廣丈餘深不可測以石擲之半晌有聲相傳被雷所擊而成因名此

鬼洞 在縣北五十五里長樂後山洞大丈餘樵牧者常藉此以避風雨一或發聲回音振耳愚人無知謂爲鬼叫

藏劍巖 在縣北六十里九盤山有巖狀如合掌中有孔擲以石發聲鏗然

平降橋 在縣北六十里西溪山降聳削上有巖石坦平宛如人造之橋故名

上坦湖 在縣北九十里岱后山高數百仞頂有湖大二畝許

麗水縣志

卷三

山水

十二

麗水啓明印刷所代印

陽對尖 在縣北八十里距泄下五里許峯極高初陽對照其尖故名上有石堂石嵌黃白色宛若金銀

雙岡尖 在縣北四十里兩峯並峙高插重霄省委測量者立標於此

大貓洞 在縣北四十里小溪之南有一巖洞口大三尺許內高丈餘深約四丈而左折又四丈則漸小矣居人謂爲虎洞其形頗肖俗謂虎爲大貓故名中無光線透入遊者須秉燭以行

石印 在縣北四十里小溪有石嶄然峙於水波蕩漾之中平方六七丈高約三丈餘遙矚之宛若印章時有牧童涉水而

登其上嘯歌嬉戲頗具雅趣父老相傳此石於道光年間由
旁岸山巔崩墜而下當時聲聞數里

麻冕嶺 在縣北七十五里大姆山之腰高十里許兩山壁立
嶺界其中與縉西接壤

清塘嶺 在縣北六十五里古爲官道與縉南接壤高五里許
嶺巔有塘水甚澄清

金坭洞 在縣北六十五里清塘嶺之左寬八尺深二丈猶平
坦也再深卽漸下莫測其極

石將軍 俗名石人在縣北六十五里嶺東水口其石峨峨挺
立宛若將軍

麗水縣志

卷三

山水

十三

麗水啓明印刷所代印

八寶巖 在縣北六十里蘆村水口循澗里許泉流澄潔石面
光滑狀態畢具土人謂爲石門石蛙石蟹石馬石獅石鯉石
浴桶石脚桶惜無柳儀曹其人不顯於世

紅坭山 在縣北六十里孫村泥色如硃塑畫家或採用之

穀屏山 在縣北六十里仙里山形如穀堆積仙里之屏障也

鐘鼎山 在縣北六十里皂樹上建魁星閣四圍巖石錯落松
杉蒼老頗有奇致斜下與景星宮對峙

七星巖 在縣北六十里皂樹洞口畝七石排列宛如七星

蛙蟆垵 在縣北五十里山半有巨石與坐蛙無異

以上北鄉諸山

新增

滴水巖 在縣東北七十五里與縉雲分界處壁立數百仞巖隙暗泉滴瀝盛夏不竭嚴冬則冰箸晶懸矣

菱青巖 在縣東五十里

劉山 在縣東四十里元末李文忠敗苗帥賀仁德於此下有

却金館明溫州守何文淵却金處事詳古蹟

（劉基劉山驛次林彥文韻詩）青

泥九折度危峯翠木千章集遠風欲為流離安堡障寧辭辛苦涉蒿蓬梧桐葉落無棲鳳荆棘枝寒有怨鴻旦夕升虛聊望楚何時重賦定方中

俞山 在縣東四十里明季權礦稅於此

銀場山 在縣東三十二里明季開礦時設鑪冶於此清嘉慶

九年儀徵阮相國元巡撫浙江刻栝蒼古道四大字於石壁

麗水縣志

卷三

山水

咸豐八年行營總兵周天受依山為營壁壘未立賊繞出其後大戰敗走白骨纍纍事平瘞為一大冢焉

望城嶺 在縣東二十里自縉雲度嶺萬山叢阻至此始見城

郭

（方亨咸詩）莽莽嶺頭道蕭蕭傍曙征木凋山骨露月落水心明澗石響飛雨炊烟動晚城霜禽起孤翼著意向人鳴

五釜尖 在縣東六十五里壁立霞峙徑路始絕初莫曉其命

名之由近有採藥者捫葛攀蘿僅乃得至見五瓷釜覆土中

力舉之不能動蓋古厭勝之具也

太師巖 在縣東六十里金烏莊高數十丈若獅之張口旁二

巖若小獅之蹲伏

武山 在縣東四十里喜康鄉層巒疊嶂深窈奇秀探奇者時

問道於此焉

天堂山 在縣東三十五里亦名玉峯山高數百丈山上為天堂坪有葑坵數畝踐之則陷山下為蟄龍洞洞左有穴風自中出洞右有田馱古廟禱雨輒應

楊梅岡 在縣東四十五里康熙中惠獻貝子勦閩逆餘黨於此故亦名營盤山縣東二十五里亦有楊梅岡居民曾結寨避寇俗呼為寨山

龍空巖 在縣東十三里天堂之西兩崖壁立有洞可容數十人前有度仙橋今廢緣微徑上巖巔為登仙洞鄉人嘗避亂於此亦名寨山巖下為伏龍洞內有深潭投以石聲如雷巖

麗水縣志

卷三

山水

前有窪石如白年豐則沙盈其中歉則沙徙於外土人以驗

歲登否如越人之占射的矣

(劉涇磨崖詩刻)蒼崖如堂水如布橋危如繩石如鋸不有樵夫

踏破雲世間可復知深處宋紹聖三年十月九日同方鏤程宏席昌壽杜穎來口僧太新磨崖(案)彙紀所載與此小異今從石刻

觀音巖 在縣東十三里宋紹興間水暴漲居民泊船巖頂置

所奉觀音像於巖穴水退巉巖壁立不可復取因以名岩

仙人步巖 在縣東二十里祝村莊兩岩相對岩頂各有一巨

人蹟

將軍巖 在縣東二十二里下臨好溪上有窟穴露半身石像

操筏者過此恆焚香致禱呼曰石將軍

鵝鳩山 在縣東二十里俗名鵝鳩尖絕頂巖穴東向清乾隆初有人辟穀修真於此後不知所終好溪環其下宋劉涇詩鵝鳩山下溪聲好是也

靈鷲山 在縣東二十里與鵝鳩山相對好溪環其前層嶒峙

雲重蔭被水霜日晴初尤極幽致中有靈鷲禪院宋紹聖中

郡守劉涇建溪雨亭於上山南有元祝梅所墓碑(案)寺碑寺額均作靈

鷲通志府志脫鷲字

佛頭巖 在縣東五里又名碧雲山俗呼陳礪頭大溪經其下

巖石岿嶒砥柱中流城東之咽喉也明萬歷十三年知府俞

均建塔於其上未竟遷去二十二年知府任可容踵成之(柳贊

麗水縣志

卷二

山水

十六

麗水啓明印刷所代印

空中禪師塔銘)高峯和尚妙公卓錫臨安西天目括蒼空中禪師獨依之度十寒暑辭歸居十年葉居士順宗又卜城東碧雲山作佛頂精舍向師作禮求說第一義諦至元丙子之歲夏坐佛頂微疾而化葉居士謂師化緣在是即奉全身葬精舍東隴

以上東鄉諸山

燕窠山 在縣南八里形橢圓若燕窠北面巖石橫出若雛燕

之待哺者

少微山 在下河之南舊有少微星君祠以郡應少微處士星

也又有妙成觀紫虛觀唐宋高道杜光庭章思廉輩棲真於

此石壁刻素華處士張公之瑩八字駁蝕過半蓋已古矣紫

虛觀南曰眉巖有章思廉墓後人築室巖旁以祀之曰神仙

宅劉基爲之作記詳寺觀 岩上有巨人蹟十數深入石理莫明

其故

南明山 在縣南三里山半與兩池之交築亭曰流觴更進則峭壁飛泉濺襟灑面有亭面壁即宋漉雪亭也循磴道而上為爽氣亭今俗呼半山亭矣再上有巨石橫空逕十餘丈曰石梁前有老樹鐵幹虬枝皮可療病曰將軍樹侯一元詩所謂大樹近將軍者也其下曰印月池有宋張康國磨崖池北曰幽光亭西為獻花巖又西為彌勒龕就山鑿石而屋之南轉度石峽如門古佛曰仁壽寺也前臨方池蔚藍澈底後有葛井相傳為葛洪煉丹處再上石壁窅窳多宋人題字西轉為高陽洞刻宋孫沔沈适紀游拾級屈曲至最高處曰千里

麗水縣志

卷三

山水

亭憑虛閣閣闔城市歷然星布崖間有葛洪靈崇二字米芾

南明山三字此山之大概殆昔人所云目不周翫情不給賞

仰矚俯映彌習彌佳者正無容一一名狀也

(邊貢詩)石磴抱雲回亭亭積翠

開蒼藤昏古殿碧樹隱仙台鐘鼓三天下風雲萬壑來不知千載後誰憶此銜杯地僻無人賞靈山迴獨看石梁橫絕險巖洞

(劉廷璣詩)郡樓南望此蒼蒼今見城池在下方上去幾層雲作

路生成一段石為梁低頭古洞開門小拂面青蘿挂樹長村出

一壺人兩個懸虹崖畔老梅傍(皇甫洵詩)名山終古俯南郊出

郭纔聞一里遙直指千峯探化閣暫依雙樹息塵鑣梁橫斷壑

雲常覆澗落疎泉雪未消莫訝使君非好靜桓伊今就遠公招

(喬因阜詩)夙慕南明勝招邀况有君詎知終夜雨不奈滿空雲

詩)南明藏古洞勝地舊來聞為聽三乘法欣從五馬羣棠陰分

侯吏大樹近將軍不覺清談裏秋城已暮雲(朱應鍾詩)空山萬

疊芙蓉石游客時來問往年瀑布畫寒千歲雨石梁秋瀉半峯

烟憑高對景非無意把盞題詩合有緣斜日酒闌歸路晚一州

燈火滿前川(王養端詩)不到南明路於今已有十年乾坤餘短髮
踪跡本枯禪洞隱千峯月城浮萬樹烟座中有高士談笑吐青
蓮風日經秋淨尋幽入化城客能憐二仲僧為說無生花動泉
初落山空石自橫掀鬚成一笑何用嘆浮萍(顧大典詩)最愛城
南寺名山俯郡樓偶因公事暇來共使君游寶地開蘭若靈區
勝沃州溪聲喧遠嶺霜氣肅清秋千里方辭越羣峯半入甌危
梁懸絕壑疊嶽引飛流徑仄孤亭迴苔葑古洞幽青蓮結宇淨
紅樹隔林稠佐牧隨劉謝尋僧得惠休慈雲迎畫戟法雨濕行
騶坐悟觀空理悠然忘去留(屠隆詩)括蒼之勝推南明秋後木
落天氣清使君夙耽林壑趣折簡邀我同山行初度清溪發輕
棹水碧沙明接磴道巉巖巨室倚遙空花落長松閣斜照盤迴
峻阪忽平岡却倚孤亭破莽蒼菊爛黃花猶滿路楓林紅葉盡
含霜金刹上方曉開寶界玉虹天矯挂飛梁風吹鐘磬傳空谷月
映藤蘿到上方冥探古洞深無極寂寂松關生暝色寒泉玉乳
滴空岩祇樹珊瑚垂繡壁乘風直上最高峯蒼茫翠海波濤織
隔水青烟起萬家連天紫邏高千尺山鬼奇形詫怪松葛仙逸
翰留遺蹟使君瀟灑復清眞五馬專城印綬新才高揮霍心常
暇地僻蕭疎俗更淳日從山水消公事合與烟霞作主人好借
南明一片石同垂名字照千春(伊湯安詩)競說南明景公餘結
伴遊荷香僧院靜泉響石梁幽古洞誇仙蹟虛亭豁遠眸高情

麗水縣志

卷三

山水

慚白傅勝地幾勾留(徐望璋詩)岩隈寒溜瀉濺濺眞覺清音勝
管絃亭外濕烟含雨重潭邊空翠上衣鮮題名况有楊南仲覓
句須推李謫仙便擬臨流拚一醉開樽正得酒如泉(陳璠詩)葛
翁仙去也何處覓丹砂虹斷石梁瀑鶯留山洞花離文入煥象
麗景物增華獨立峯
頭嘯雲開爛晚霞

巾子山 在南明山東南以其形名之頂有浮圖相輪已失始

建之年無考道光二十五年知縣張銑倡紳士重修匝月而

合尖焉

(案)明張懋岳元妙觀碑觀有寥陽殿向巾子山山有塔據壬丙道十葉素軒有異術欲正之爲子午一夕雷雨暴作旦視之塔遷矣傳爲奇事云云蓋當時移殿就塔特爲謬語以駭聽聞耳

天井山 在南明山西峭壁巖巖懸瀑下注承溜處形圓如井

乘崖俯瞰悚惕欲墮名天井嶺崖下瀑泉所潄日龍井天將

雨井則興雲焉

(高似孫詩)急泉平劈峭岩開晴雪拋空灑灑來上穴直疑通雁蕩橫流或恐接天台松舍

元氣多生珀石錯蒼紋半蝕苔莫
怪到來添健逸三生不枉住蓬萊

天馬山 在縣南五里又名幞頭山四面壁立若無蹊徑上則
透迤平坦草木豐蔚昔人磊石避兵故又名南寨

桐嶺 在縣南三里嶺之南爲天師巖峭壁數十丈猿攀可上
其巔有天師廟廟前古木叢篁蒼翠欲滴大梁溪水經其下
夾以獅象二山古所云青崖點黛素湍委練者矣

峽嶺 在縣南十里叢山迫轅中取微徑而上險仄紆回行者
擬諸蜀道

大白巖 在縣南十里勢不甚高峻而刻露巉巖別標勝概大
溪經其下湍急濤崩兀若砥柱上刻白巖飛雨四字其東三

麗水縣志 卷三 山水 十九
里有巖差小兀峙中流人呼小白巖焉

大梁山 在縣南二十里又名南屏山其南爲青田界大梁之
水出焉山徑屈曲逶迤幽勝相引山半有亭下臨清泉上蔭
秀木行李所經徘徊忘返左右五峯交峙迢遞相望中峯有
南北二龍洞北洞有龍井淵素澄渟禱雨輒應其旁巖壁陡
立如削頂銜五色石望之斑斕眩目

望軍山 在縣南十五里山巔石壁正方如屏亦名屏風山清
初方國安潰兵擾恬謝俊升妻趙氏投山崖死山下有虎阱
舊蹟深十餘丈山南列岫連峯雲輸波委土人呼爲十八凸
石乳洞 在縣南十二里一名後洞巉石嵌空清泉滴乳因有

斯名

石羊山 在縣南十五里有蘭若溪溪有一穴深數丈穴口有

大樹仰視杳然博物志云千載木也(案)此太平寰宇記之文

王安石詩溪水清漣樹老蒼云云考臨川踪跡未嘗至括本集題為鄞縣天童溪上作非石羊山也

大連雲山 在縣南四十里沙溪之水出焉故又名沙溪尖孤

標秀出霞合烟開四岡五阜環絡周帶山腰灌木壽藤叢生

交合二石嶙峋筍峙如迓游踪西南為綠巖洞懸流削壁飛

練飄珠凡數十丈曰陳滌禱雨輒應(柳贊)空中禪師塔銘

往參禮久之辭歸連雲毒種曇公知師倦游作蓮花庵寺右延師居之

縣頭山 在縣南三十五里以古縣治在資福山蔽其前故名

麗水縣志

卷三

山水

上多修竹曰修竹嶺俗呼竹山凸大溪環其下因名竹山潭

大杉源山 在縣南七十里山西為雲和東為麗水峯連岫接

翼障西南其左嶠路入雲名半天峯其右如旌展蓋張名旗

繖山下有大杉狐梯二潭箬溪之水出焉宋縣令劉愷之禱

雨於此有赤蛇自潭出雨遂沾足山上平廣數畝踐之傾側

欲陷牧人相戒遠其牲畜俗呼大杉葑意故為潭而填淤者

也(案)大杉葑與大杉源本屬兩處山頂平廣凡數里四岡五阜形若蓮花中阜有天師廟廟前為葑廣數十畝有一小

潭深不可測即胡三省所謂江東葑田其葑泥深可沒牛者水從細草間仰出分流山下麗雲田畝賴以灌溉者凡數十里至

沿溪相隔十餘里別有一源水非由大杉葑出舊志所載想係沿誤且以葑為由潭填淤尤屬臆測之詞故特徵實以補之

木寮山 在縣南九十里與景甯接壤

金剛山 在縣南五十里蔡村螺旋而上磊石爲寨中有五穆廟鄉人禱雨於此

虎頭巖 在縣南五十里箬溪嵌空玲瓏風從中出聲若虎嘯
火燄山 在縣南六十里有虎峰礮險峻不得上又縣南十里亦有火燄山衆峯攢簇如火燄旁有巨石類獼猴作引首顧眄狀

騎馬岡 在縣南六十里其上巒峯巘嶸狀若蓮花以峻極罕有至者

鐵寨山 在縣南六十里山皆積石黝黑如鐵類新安之石墨山矣

麗水縣志

卷三

山水

二十一

麗水啓明印刷所代印

硯石山 在縣南六十里山石深紫性滑膩可充碑材斲爲硯
堅潤少亞端溪焉

西畚山

畚音奢俗作畚後倣此

在縣南六十里三峯參立形如筆架

鷹鳥山 在縣南五十里鄉時通濟堰每年興築伐篠於山又名堰山宋龍泉何澹葬其父於山而固堰以石篠廢不用山遂屬何氏其下名平地明景泰間都御史張楷搜山殺賊於此有宋給事王信墓 以上南鄉諸山

舊志

蜈蚣山 在縣南葉塢莊形若蜈蚣

烏巖洞 在縣南葉塢莊之北望軍山半腰有巖洞三中洞高不盈丈縱約三楹橫廣倍之東迎晨暉光明澈底上重巖高

敞如樓然左洞石軒內有井泉水澄清富硫黃質右洞石軒
爲鼓樓以石叩之聲瑟瑟然有觀音大士像在焉

梅花山 在縣南六十五里據雲霧坑莊之南小山之西高出
雲表五峯環峙形似梅花現軍機測量標點設站於此

寨山 在縣南六十里小山莊屹立天際峻峭無倫山巔平坦
四圍險石碁布若雉堞焉

八仙寨 在縣南六十五里雄鎮上游溪流環抱其下爲西南
屏障

龍井 在縣南七十五里陳坑水口深不可測口窄腹寬如甕
大旱時見有雲霧上升天必雨鄉民每覩此以占晴雨焉

麗水縣志

卷三

山水

二十二

麗水啓明印刷所代印

以上南鄉諸山

新增

高岡寨 在縣西五十里重巖疊嶂山頂磊石回環康熙初閩
變鄉民避亂於此其右巉巖雄峻爲獅子山洪塘之水出焉
西爲後窰山有古三十六窰遺址山半有洞深十餘丈上爲
白鶴廟下爲悟空寺又西爲鳳凰山爲小鳳凰山又西爲鐵
壁寨單秀孤峙時有殘戈斷鏃出於土礫殆昔時避寇之所
也

大隴山 在縣西五十里山半有石泉清冷徹骨行人多就飲
之魏村節婦齊氏建駐飲亭於其旁

橫嵐山 在縣西六十里高徹雲霄時有輕烟如帶橫亙山腰

前爲風穴炎暑可襲裘坐旁孤峯挺峙曰石筍峯別一巖石翹立作婦人抱子形名玉女護嬰巖

土人呼礮頭親娘每歲終抱小兒往拜謂之識

認親娘

其東十里爲聖山俗呼龍潭背卽唐葉法善檄龍行雨

處下有黃礮廟又東爲白巖嶽薛峻嶽四面陡削元葉現妻王氏潘雍妻葉氏避兵殉節於此舊有祠今廢又東爲麒麟山其下澗水縈洄素湍碧樹交映生姿

大竹山 在縣西四十里高溪源明王朝聖妻楊氏爲兵所掠投崖而死

高畚山 在縣西五十里北控宣平西接松陽峯巒攢聳草樹蒼蔚俯視諸山如在几席西山之最高者白溪之水出焉

麗水縣志

卷三

山水

二十三

麗水啓明印刷所代印

三峯山 在高畚之南下曰靈峯中曰翠峯上曰岑峯俱有僧舍林巒秀麗爲諸山冠岑峯尤迢遞層峻徑繚而曲名十八

盤峯麓平曠厥土宜藍

(柳贊空中禪師塔銘)年十七去其家入岑峯禪智寺爲童子

蝙蝠洞 在峯溪之南巖壁有洞深丈餘多蝙蝠其上爲吳均嶺

風山 在縣西四十里山巔危石對峙如門天風颺戾清人毛骨俗謂之小石門元末陳程妻葉氏清初陳昌蔭妻奚氏陳所學妻吳氏皆避兵殉節於此其南爲姥嶺雙峯崩劣峻墜屣屨穿峽而過可達宣平

半天尖 在姥嶺之南孤嶽超雲視衆山如蟻蛭其右峯曰匙

尖徑路褊迫劣能容步有廟示童真相老桂一本蔭可計畝云昔有牧子經此乘雲上升因肖像立廟禱雨輒應呼曰馭牛眇眇者鄉人呼小兒也遂移以名山矣其左爲吳山山半爲惠明寺廢址

蓮花山 在風山之東山石堅緻成采鑿以資階城

山魘洞 在縣西五十里高溪村南高廣丈餘昔爲山魘所棲以石叩之聲轟如鼓又名石鼓洞

椒山 在縣西三十里明葉炷築別業於此隨地爲景故有椒園之目葉詩所云壁削斷崖開勝地路隨流水入深山者也

(皇甫方詩)羨君辭邑賦歸田大有闡林亞輞川松下分糧調瘦鶴花間洗藥候鳴泉支離自愧猶耽祿邂逅何期得問元更道

麗水縣志

卷三

山水

二十四

麗水啓明印刷所代印

聖朝容傲吏賜骸聊復樂餘年

風門山 在縣西三十里上有二穴風自中出夜靜月明白氣

上徹霄漢有廟名協應宋代所建鄉人水旱輒禱之(梁載詩)巖巖絕

頂逼天關上有神宮鎮鬼寰路似杜陵行蜀道人如韓子謁衡山風生怪穴虛無裏樹拂重雲縹緲間下望平田三百頃一衣

帶水自回環

琴山 在縣西二十里石牛村明金文詩所云隔岸琴山雨更

妍者也(案)琴山本在縣南二十五里與石牛對隔一溪俗沿口音之訛呼爲岑非有兩山也此載琴山係石牛礮

之誤金詩可以證明矣 以上西鄉諸山 舊志

山翁步山 在縣西二十五里上有瀑布自巖頂瀉下四時不

絕下有古寺廢址旁有塘水甚清冽樹木蔭翳樵采者每至

此乘涼飲水焉

鳳凰山 在縣西五十里中峯特高旁兩峯稍低左右排列如

鳳凰展翼宋參政何澹墓在山半山西屬松陽境

以上西鄉諸山 新增

城中水 宋慶元三年州守趙善堅於城西北導麗陽後溪水

有插設插夫二名以時啓閉兼防盜洩以資水確 逶迤至通惠門潞為蓮渠南流入

城經清香橋潞為淨池 宋紹興十五年郡守徐度建放生亭於其上故又名放生池明嘉靖二十年

四年知府李冕濬之今名理中塘 析而為二一西南流經張公橋又南經濠

頭街又東南經梨園市又經廣運橋至應星橋 舊有應星橋視旱潞為蓄

洩後壞萬歷三十年知府許國忠重修旋廢天啓中同知馬承緒修之清知府周茂源劉廷璣梁徽涂以翰李蔭圻並有修濬

麗水縣志

卷三

山水

二十五

麗水啓明印刷所代印

功 出城入大溪一東流過通惠橋經總兵署前又東潞為葉

塘又東經黃靈橋又東經明秀橋 今名耐心橋 至鎮東樓出城

有清風插設插夫二名 東南流經梅墩合好溪渠水東經九龍亭東流

入大溪 黃縮記宋慶元中郡守趙善堅嘗開二渠分麗陽溪水隨勢導之入城民甚便之歲久湮闕迄今數百年

無復者嘉靖乙巳夏五月兵備副使夏公浚檄修之首鑿通惠門淨池以濬其源次疏二渠以導其流皆為插以時蓄洩向之

侵築者公令自首釋其罪與之更始疏鑿之工沿渠之民各事之無居民則官事之僅三越月而厥功告成官不知費民不知

擾咸曰休哉

大溪 源出慶元縣經龍泉雲和二縣凡四百里至麗水界東

流為均溪 溪有伏石如象者三每壞舟嘉慶十五年碧湖葉雲鳴捐金鑿去 黃田之水出焉

黃田水源出縣西南七十里大杉源山北流入大溪 又東十里為玉溪又東五里蓮河

之水入焉

蓮河水源出縣西

經平地會松陽水為大港頭又

東經石侯為新溪

石侯水源出縣南六十五里管頭東北流入大溪

又東五里為碧

湖

(張安吉詩)風景碧湖好我來剛夕陽亂山橫紫翠老樹半丹黃上市魚蝦賤堆盤橘柚香僧房留一榻清夢共支郎

(端木國瑚)湖懷舊詩帆與鳥爭宿川長雲樹昏人烟青古社山雨白遙村晚飯銅盤冷春燈瓦鼓喧相思渺不見回憶舊芳樽澄天明夕霽沙路白紛紛亂確春灘月高帆拂野雲

人傳上已日溪浣碧羅裙寂寞逢今夜山鵲獨聞

為礮

步又東五里松院之水入焉

松院水源出縣西南六十里大連雲山後明景泰元年都

督陶瑾敗

又東七里為郭溪

又名上郭旁多種柳以捍水曰柳陰隄(屠本仁)泊舟柳陰

隄聞歌詩柳陰隄畔柳如絲記得桓公手種時樂府宜歌發白馬新詞誰唱比紅兒鱗鱗細浪金沙活葉集輕帆桂棹移添築

小紅亭子好千秋秦七有相知自注云少

又東二里經資福

為資溪為竹山潭又東經九龍

(陳子龍詩)人烟迴樹杪村路帶江流數畝樟杉蔭千家麻

麗水縣志

卷三

山水

麥秋火耕開瘠土水確繫虛丹疑有柴桑隱還同谷口游

又東為沙溪

沙溪水源出大連雲山陳際

又東十里經石牛為鏡潭

古有通濟橋(金文詩)一別山莊忽十年歸來風景只依然入簾鏡水

晚逾碧隔岸琴山雨更妍詩卷娛情忙亦展酒杯留客醉猶傳兒童齊和昇平曲老子婆娑欲放顛(端木國瑚詩)落日在灘舟

清灘碧玉流映山看白鳥歸渡喚黃牛客到花先著春深竹亂抽宿聞村酒好取醉及沙頭

通濟渠水出

焉 通濟渠水其源有三一在縣西五十五里自一七九五凡七都是引松陽大溪水入渠歷十二里自一七九五凡七都是

為大渠一在縣西四十里源出白溪歷十三里源出岑溪自至白口合大渠水為白溪渠一在縣西四十里源出岑溪自

十四都歷九都合白溪水為金溝渠三渠合流至石牛入大溪

又東經白巖為二港口

溪之水入焉

明都溪水源出縣西北六十里宣平縣中有滄灘畎都指揮沈麟禦賊戰死處又有嶼嵒山臨水

蜿蜒數里至此作仰勢若蛇之昂首其南有盤石如龜伏於水中又西流經蘇步入大溪

又東五里為茗

河稽勾諸水入焉

稽勾水源出縣西北一百里稽勾山東南流合雪峯水為庫川西合西溪水為洪渡又

西合蓮房水東合葛渡水為桑溪東合梅田水西合潘村水為
安溪又東合霧後水至太平渡為浯溪又東南流為義溪明張
學甲死難處南過官橋至茗河而人大溪又東五里為蘆灣又東五里為桃山潭

又東五里經溪口麗陽諸水入焉

麗陽水源出縣北十里壽元山西南流為龍潭過麗

陽山經城北為後溪明集鉅拒賊於此又西南流合練水而人大溪

又東為琵琶洲

陸游南園詩所謂亭

邊綠浸琵琶洲即此也金文詩中流有隙地宛爾琵琶洲清積自鳴咽不是潯陽聲

經濟川橋

舊名廣濟橋陳

之龍出括蒼門渡江詩旅行無停期利涉有恆度目照陰巖幽雲開蒼江曙擊權此夷猶停車屢回顧修堞冠危巒飛藁出芳

遺樹岸草覆丹霞渚花銜翠羽西邁雙輪遙東流千溪鴛悠悠寡

故鄉繞城南為洄溪

湯顯祖麗水風雨下船棘口有懷詩石暮城雙水門落日遠光介春潮風雨飛莫

宿寒洲渚帶流雲蒼翠裏緒風簫鼓外分披悟曾裂合沓迷新屆

傷幽情境難會江花荒流放岸草

又東為下里灘大梁之水

麗水縣志

卷三

山水

二十七

麗水啓明印刷所代印

入焉

大梁水源出縣南二十里大梁山經桐嶺東流為魚渠渠旁巖穴虛敞嘉慶五年洪水有大上像漂入洞中遂

名觀音巖經下里橋而人為入溪又東五里為貓兒潭

括蒼彙紀吳赤鳥間有術士檄龍於百丈潭龍

奔化為此潭為下河又東好溪之水入焉

好溪源出縉雲縣大盆山西流入麗水鄉

因水怪名惡溪唐段成式為刺史水怪潛去改名好溪西流為

箭溪舊有晉王羲之突星瀨三字摩崖今失又西合金鳥水為

澎頭又西合項渡水為湫塘又西合俞嶺水為阮口又西合梅

溪水為水東為洞溪以入於大溪洞溪為唐刺史李敬仲別業

舊傳敬仲十詠曰峭壁曰青室曰桃源曰竹嶼曰琴石曰釣磯

曰虛廊曰響瀨曰峭壁曰礪巖朱彝尊麗水舟中詩曉發丹楓

詩趙汝

驛微茫出遠郊月斜吹積雪風急燒黃茅斷嶺羊腸折寒沙虎

必盡神皋峻嶺行還出愁人迹轉孤飢寒催暮日風雪逼窮途

無赤幟廢壘但黃蒿亂插繁花盛千盤細路高由來設險地未

士鏗舟楫小燎金刀可剩沽又東經佛頭巖為楊柳灣

詩古樹

莫辭舟楫小燎金刀可剩沽又東經佛頭巖為楊柳灣

詩古樹

半成槎溪邊歷歷斜寒林欲無路小塢不多家去又東五里

客背流葉停舟見暮鴉朝朝省秋水頻減一痕沙

爲龕潭又東十里爲古竹入青田至溫州入海

水利

邑山峻水悍甚雨則潰溢橫出而旱乾復無以資灌溉故農田之豐歉視潴蓄之盈涸焉通濟渠所關尤鉅其詳已具於堰志茲特舉大凡用彰成美其他橋渡以資利涉水障鐵壩以衛城居並以類及之云

麗陽渠 在縣北十二里源出壽元山逶迤而南灌田百餘頃

又西南流至溪口入大溪

(案)舊稱麗陽堰今考堰障水入渠渠堰相資爲用而浸灌之利在渠

不在堰方言呼堰爲壩殊名同實而呼渠以堰則名實違反矣坐是記載語言多有不順今普爲釐正 舊志 近來

山墾善崩水源易竭

麗水縣志

卷三

山水

妃溪渠 在縣北十二里於麗陽廟前分麗陽渠水灌田百餘

畝西南流合練溪水入大溪

黃山渠 在縣北二十里源出稽勾諸山南流至義潭壘石爲

堰引水入渠自黃山莊歷下於官橋等處約五里許條分枝

析灌田六頃餘

府志誤作四畝

泗洲渠 在縣西北十五里亦名屢豐堰順治間邑人武之周

所鑿上引義溪水自常宅歷白善武村茗河諸莊凡七里灌

田一十八頃

畎溪渠 在縣西北五十五里畎岸莊源出宣平至畎溪引水

入渠灌田三頃

均堰 在縣北四十五里

府志堰志皆有此文今不知所在

通濟渠 於縣西五十五里松陽界內築巨堰障其水為渠

(案)遂

昌水人松陽合為一溪則此所障者松陽溪耳舊碑云障松自遂二溪之水似別有遂昌一溪矣後志並沿其誤今改正

保定東抵白橋入大溪紆回五十餘里其中分為二原疏為

四十八派均以七十二概隨地渚之以為湖

有白湖赤湖何湖李湖吳湖鄭

湖湯湖等目道光四年知府雷學海詳冊查三原隄工通計五十餘里有石壩有斗門有石函有葉穴石壩截水入口斗門引

水歸渠俱在鞏固橋以上石函在鞏固橋以下為葉穴與大溪相通使所引上流之水由地溝入渠石函之下為葉穴與大溪相通

制用石插木板以時啓閉葉穴之下有六概由石函至葉穴凡一里由葉穴至開拓概凡三里由開拓概至鳳臺概四里次至

陳章概五里由陳章概至石刺概三里石刺概之下五里至陳塘概又下為九思概所謂槩者節制三原之水輪流蓄放以均

其灌溉之大槓也外有小槩七十二處承接大槓之水分流布潤(知縣范仲趙詳冊)奉飭之處逐一確查西堰誌載六大槩現

麗水縣志

卷三

山水

二十九

麗水啓明印刷所代印

在仍舊設置其七十二小槩誌載其數並無其名此次六大槩一循舊制修整其餘小槩均坐旁支分莊修理並無七十有二

之多亦無一定槩名礙難聲注不敢妄有附會 溉田二十萬畝相傳梁天監中詹南

二司馬實創為之(案)二司馬梁厥後興廢無復可考宋元祐

七年州守關景暉患渠水勢盛或潰岸命尉姚希築葉穴旁

洩之穴在葉姓地故名 政和初縣令王禔患山水挾沙石擁渠口致

溪水不復入邑人助教葉秉心議斲大石為函橫壓渠面引

山水從函中過既成歲省濬工無算進士劉嘉復鎔鐵錮石

罅函固而渠大通乾道四年州守范成大與軍事判官張澈

大施濬築刻規於石意美法良世為成式(案)舊規二十條刻石已漫漶僅見於

堰志古今語異間有不能強通者今揭其大旨以備覽云曰堰首者聽田戶保充免其他役二年而代巡察隄堰諸所以時葺

治也曰田戶者於上田戶中選充名監當佐堰首掌其財物功
過與同也曰甲頭者以田戶秧把多寡次第配差兼稽察堰首
公私也曰堰匠者定差看守以時報堰首繕完也曰堰工者計
秧把賦錢給工終歲而會其羨餘也曰船缺者令堰匠守缺遇
行舟重滯者令卸其物以輕裝過不使損及堰隄也曰堰槩者
設槩於牀揭之則水順下閉之則左右分注以灌田揭閉皆定
以期也曰堰渠者以時濬渠並禁栽竹木於渠岸也曰請官者
數之也曰堰渠者以時濬渠並禁栽竹木於渠岸也曰請官者
遇大工役許田戶陳請令長委官督率也曰石函斗門者差堰
匠淘石函淤塞察水勢衰旺啓閉斗門也曰湖塘堰者堰湖塘
以瀦水禁佔為私田以妨利也曰堰廟者仰堰首謹司龍王之
女二廟灑掃享祀守護碑刻也曰水淫者惟設於障水入口之
處不得更有私創也淫之為義方言以鑿地道通水為淫非考
工水淫義也曰逆掃者禁於所坐水利之外掃水歸田及用木
障水以妨下原也曰開淘者堰首年滿令上田戶併力開淘淤
塞務取深廣以為交替也曰葉穴頭者立穴頭司牯甚雨則取
其板洩之不使汎溢入田也曰堰司者於甲頭中選能書者一
人司載筆之役也曰堰簿者以上田戶一人簿計田秧等第歲
終具過割姓名數目授諸堰首也曰堰山者堰志有其目而沒
其文但云舊堰每春以木蓀修之伐材於山自何澹改為石隄

麗水縣志

卷三

山水

三十

麗水啓明印刷所代印

關於有司請給此山
山遂為何氏物云

開禧間郡人樞密何澹以堰善崩取崖

石捷之歲修以省元至順二年部使者韓羅思命邑令下瑄

修之邑人葉現記所云斬穢除隘樹堅塞完者也至元六年

大水堰圯渠且涸縣令梁順計畝率錢數丁任力躬程督之

民憚役而囂順不為動卒以有成厥後州守韓裴復加繕葺

明嘉靖十一年大水堰壞知府吳仲令知縣林性之主簿王

倫築之兩月而成(案)李寅記曰成化時通判桑君萬歷四年

知府熊子臣請發帑緝督主簿方燁培堰溶渠甚有績(案)何

云隆慶中潯陽勞公堪監守吾郡檄孫令煊
修治是堰民利賴者若干歲今亦不得其詳十二年知縣吳

思出官帑令其簿丁應辰創堰門以時啟閉疏支水之淤者

三十六所二十六年知縣鍾武瑞以廢寺租銀修之三十六年知縣樊良樞申道府動支寺租官銀并聽民計畝率錢興復水利道府允其請各以庫貯贓罰銀佐之事成遂昌令湯

顯祖紀其功甚偉（樊良樞議興復水利文牒障大溪而橫截者石堤也初引水而入渠者斗門也入渠

五里始分三支中支最大為上原中原十五都十附都十正都十一都十二都之水利坐焉又接為下原五都六都七都九都之水利坐焉其造槩也稍有廣狹高下木石啓閉之各殊其用其分槩也南平木架木或揭或不揭之各得其宜其放水也有中支三晝夜南北支亦三晝夜之限三原各享其利而不爭三時各安其業而不亂此法之最良備載規者也惟修葺不時古制遂湮紛爭競起或插夫私通商船而洩水於上流或堰長各自為謀而不公於放注或槩首通同賄賂而自私於啓閉三原原有成規也而上中原支分各異或有不均之歎矣上中原猶先受澇也而下原處其末流則有立涸之嗟矣（又新規八則歲為胡越國賦民財兩受其敝皆由古制不修也）

麗水縣志 卷三 山水 三十一 麗水啓明印刷所代印

小引）從古之法下原苦不得水故旱是用諫良樞有憂之獨予下原先灌四日行之未幾上原告病卒不得其權變之術乃循序放行示以大信如其早也聽命於天後之君 四十七年知

府陳見龍順治六年知縣方亨咸康熙十九年知縣王秉義

咸有事焉二十五年大水堰壞其半鄉民積困三十二年知

府劉廷璣捐金倡修委經歷趙錕督役民亦按畝樂輸時大

其功五十二年洪水壞葉穴越五年鄉民釀金改建之雍正

七年知縣王鈞請帑金興修總督李衛委需次官二人督役

乾隆十三年知縣冷模核諸廢寺田變價千金為資以修十

六年知縣梁卿材撥普慶壽仁二寺田委典史計其租入解

貯府庫以備歲修尋改令經歷掌之三十七年知縣胡嘉栗

令民按畝輸錢益以庫貯餘銀興工大修嗣是四十餘年廢不治旱歲輒告病程工既大又歲連歉資不集嘉慶十八年

知府涂以翰按籍發庫貯銀復捐俸籌款以益之民踴躍趨

工會歲旱闔郡告病邑以無虞論者等其功於二司馬韓克均重

修通濟堰志處於浙為郡最瘠治駐麗水在萬山中可耕之田不足當浙西望縣之十一惟西鄉有田二千頃稱沃壤則堰水

宋石湖范公始明世屢有修造清王劉二君復修之嘉慶庚申

括大水中隄防堰以崩壞距今十三年矣守斯土者屢欲復

煩乃甲於諸郡且程功甚鉅非信而後勞積月累歲難以觀厥成

也郡伯新城涂君以部郎來守斯土下車之始適遭偏災君備

舉堰之修也去秋實倡其議與邑令及紳民往復籌度請於太

麗水縣志

卷三

山水

麗水啓明印刷所代印

捐賑之惠在一時坊庸之澤及累世得其災而郵之何如迨其未災而預籌之也今年夏雨澤稍愆郡頗歉而麗獨得水利收日豐茲堰之功不亦溥哉近大吏嘉君之治行且移權首郡更聞有疏濬兩湖之議君以治處者治杭鄴候香山東坡諸賢去人良不遠耳余蒙天子恩洵秉滇臬將別君以道
道光四年

知府雷學海修濬訖立新規八條雷學海續增規條一被水先行揭帑游枋自初一日放水

起凡七晝夜注足三原第八日開車三原各閉槩枋連車三日

而凡七晝夜注足三原第八日開車三原各閉槩枋連車三日

入就但放湖水七日日期內有盜水之弊開車日月上中二原

分昨飲福即目查水利申明禁約商辦一切事宜至十一月

知甄別者據實查明以資核辦一管挑疏啓閉者有槩夫

概首掌之其鄉夫斗門堰各村者帶槩夫掌之皆令堰長公正

稽查各槩首責令依期揭帑治槩夫鄉夫之設立法與槩首同

惟查舊志牘夫四名以坐落松陽縣田六畝給伊耕種每年仍發役食銀一十四兩四錢又添給工費銀十兩以備添雇壯夫而槩首不給工食殊無以昭畫一現除旁支小槩照舊設立游夫一名輪管免其夫役不給工食並鳳臺九思兩大概不用游枋揭帛但平石分水母庸專設概頭外其開拓石刺城塘陳章四概每概設概首二名每年每名酌給役食銀三兩六錢察有土圯沙淤刻即通知堰長公正隨時挑挖無庸另給工費所有插夫槩首應行支給者照前銀數均於西堰租息項下按季支銷仍飭牘夫槩首十一按月加結報府聽候查驗無淤積甘結稟報縣丞該丞於每年十一月加結報府聽候查驗無淤積甘結稟報縣長恐牘夫槩首勢難兼顧嗣後渠水旁支責令堰長公正督率田戶各於該村受水灌溉處就近疏通每年十一月各堰概首各甘結由具挑挖深通並無淤積及安確阻水一切結同牘夫遇有一大工由縣丞查明應修工段稟請委員會勘估工繪圖具報限一月內竣工所用鄉夫即照歲修自帶耙耩筐挑等件辰到西歇每名每日給發飯食錢卅文至上原斗門一帶易致於塞尤宜隨時挑濬而中下兩原相距較遠策應為難嗣後尋常挑濬仍責成牘夫外如遇大工就上原鄰近添雇民夫其三原出力助工者照常給發飯食錢以示體卹近添雇民夫其三原

麗水縣志

卷三十一 山水

麗水啓明印刷所代印

堆積淤沙之所不准開墾種植近因渠身久未淘挖居民日漸墾種及佔蓋寮房現經查出有礙水利者押令退折外其尚可通融者現經委員查丈侵佔畝分另冊註明每畝補槩首役食餘租二官石委縣丞就近徵收照市變價解府抵補槩首役食餘歸西堰租息項內解貯府庫以備工需所有向給農夫挑淤四千另五百文內多費少有名無實今既責成槩首八名牘夫四十分段挑濬酌給銀兩備工以省糜費所有前項十千另五百文一分併歸入濬租息解府備工以省糜費所有前項十千另五百五石供奉香燈灑掃殿宇准用雇工一名不准濫收門徒及婦女入廟燒香其後殿廂房如有授徒者准其報明設館不准索取館租倘廟祝不守清規查逐更換(案)以上新規八條並未勒石亦未載入堰志其第二條係田畝租穀數目具見後文茲不贅錄至所云查丈估租地畝照上則田完租云云各佃未經具結租尙無着故抵給概首役食及添設概首八名酌給銀兩之處均未

八年知縣黎應南修渠岸一百六十餘丈自爲記勒

石此後遞年未修渠仍淤同治二年縣丞汪長庚稟請疏濬旋以憂去四年知縣陶鴻勳往視歸以狀白知府清安復往

視集紳民議興修咸有難色公曰民可與樂成難與慮始禮
義不愆何恤於人言遂捐廉百金爲倡飭縣丞金振聲生員
葉文潮等計畝率錢尅日興工始於斗門以次及焉斗門故
有橋爲山水入溪處舊所鎔鐵日久剝落公命匠於石之合
縫處俯仰相箝以彌其隙功尤勝前嘗一日大雪單騎詣碧
湖民駭懼濬益力淺者深之塞者淪之渠旁侵佔地咸爲清
鰲閱三年工竣渠水可通舟佃者以代負戴及公以憂去後
祀公於二司馬廟以報德嗣年久失修至光緒三十二年知
府蕭文昭知縣黃融恩先後勘明委縣丞朱丙慶督董大修
其經費出於堰租存款不足則益以畝捐詳見通志立有碑記

麗水縣志

卷三

山水

三十四

麗水啓明印刷所代印

是年保定呂得麟捐保定及松邑堰頭田租五十鄉石爲歲
修費民國元年七月大水石壩中段被冲三十餘丈堰口淤
塞溪水不能歸渠三原士民請撥工賑並派畝捐修復又於

堰頭上對岸山脚用石砌一水障

欲使大水時水勢由對岸冲過淘去陡門上之泥沙

(歲修通濟渠田畝租數) 原撥普信壽仁二寺田地塘一頃四分

十一畝三分五釐五毫除被水冲坍外現存一頃三十七畝八

分七釐九毫每歲收官斛租穀一石五斗九升三合並給插夫工食銀十四

錢五分四釐南米一石八斗八升三合並給插夫工食銀十四

兩四錢及運脚等費並前知府涂以朝議定每年添給插夫挑

撥沙石銀十兩外餘銀解貯府庫以備歲修舊捐松陽縣田六
畝每歲收官斛租穀一十二石董事魏有琦續捐田六畝每歲
收官斛租穀一十二石董事魏有琦續捐田六畝每歲
有錢糧秋米卽由看廟人完納貢生吳鈞續捐田三畝
分七釐七毫二忽每歲收官斛租穀五石五斗貢生葉維喬續
捐田四畝三厘七毫七絲五忽每歲收官斛租穀六石五斗共

田七畝八分一厘四毫七絲七忽每歲收租穀十二石變價十二千文除完地漕錢一千五百文外餘錢十千五百文由麗水縣丞按年解貯府庫遇收濬時動支此項收入通濟堰費戶完糧未經通詳

金溝渠 在縣西四十里通濟渠既納松陽溪水別有山水白十八盤達岑溪因於通濟之北築堰醜渠亦始於詹南二司馬卽彙紀所謂觀阮堰也明萬歷中渠噎不通水泛溢壞上中二原田知縣樊良樞修之委其簿葉鳴岐督役鄉人湯鳳葉元訓嫠婦齊氏各輸金飲助水得就道二原始作又云

白溪渠 在縣西四十里源出高畚山至白河莊鑿渠受之卽彙紀所謂司馬堰也其下有沙堰朱堰上陂黃陂張堰陳家堰諸目通濟渠東北諸田咸資於此

(案)白溪渠源出橫蠻高畚二山歷龍潭背朱雲

麗水縣志

卷三

山水

三十五

麗水啓明印刷所代印

坑白巖下莊高溪灣竹缸窰朱村蒲塘季店下陳趙村黃山高
低級白橋諸莊各置壩以儲水通濟渠東北諸田咸資於此舊
志云至白河莊鑿渠受之此渠離白河
五六里與現在水道不合特爲更正

陳婆渠 在縣西二十里俗呼下堰溉田五頃有奇同治元年粵匪毀石壩渠涸二年知府吳澤率董修濬並禁捕魚設磔勒石以懲後焉

南溪渠 在縣西四十五里源出岑峯大隴二山歷南溪蒼阮派田岑口蘭山頭沙岸諸處至灣竹下五里與白溪渠合流又有十三都小坑由大坵田考坑嶺二山歷項畝紅硃山灣竹流入白溪渠下與此渠合流又六都吳源考坑度吳等處山水歷缸窰霄坑黃塘窰峯山諸莊入白溪渠及此渠合流

灌注

蕝源渠 在縣南五十五里源出大杉源山西流二十里入渠
一名上阮灌田百頃

下園渠 在縣南五十五里

法喜寺後渠 在縣南四十五里府志作十里源出十八都石鋪

尖西北流三十里而入渠灌田六頃餘

沙溪渠 在縣南三十里源出大連雲山析為二支一自季坪

張阮歷霧嶺壽山堂一由陳滌至下張大源潘田二水合於

沙溪大壩

大梁渠 在縣南二十里二三都之水皆源於大梁山而支分

麗水縣志

卷三

山水

三十六

麗水啓明印刷所代印

為二一西北流至三都俞村一北流至二都周前村與三都

水合而入渠資灌漑者凡十八村

綠苗渠 在縣東十五里源出天堂至水東壅以入渠渠又分

上下上渠自水東歷後村盧步前山等處入好溪溉田二頃

下渠自水東經盧步山後入大溪溉田二頃餘

好溪渠 在縣東二十里靈鷲山下壘石為堰障縉雲溪水入

渠西流至浪蕩口分水壩析為東北二渠北渠別納山水三

一自八宿橋入一自沙淤頭入皆灌田六十餘頃堰闊六丈

挾沙善壅不時濬之則溪水不入

中高一丈二尺兩端以次殺高六尺自堰至分水壩一百八
二丈自分水壩至東渠蜈蚣壩一百二十丈自分水壩北至渠
鞏固橋二百九丈東渠灌田四十五頃三十
九畝有奇北渠灌田一十八頃五十六畝有奇 創為唐刺史

段成式後莫考其興廢明嘉靖元年山水壞堰渠噎十五年知縣孫存令民按畝輸緡築堰十有六丈濬渠十有三里鑿為新渠者七十有三丈觀察高汝行爲文紀其績清順治四年知縣方亨咸捐金修堰民歌其功更堰稱曰子來隄康熙二十五年大水堰圯同知崔鳴鶯修復之乾隆二十一年知縣陳誼撥寶勝寺田地田一百二十八畝八分八釐二毫歲收官斛租穀一百七石三斗八升又地租銀九兩四錢八分一釐委其丞計歲入解府庫爲歲修費嘉慶五年大水堰復圯十六年知府涂以翰大修之核庫貯銀僅給工之半復捐金爲倡資用贍集次年訖工二十五年知府吳光

悅以前此北堰未施工集資修之吳光悅重修好溪北堰記處州府城東北有好溪堰

麗水縣志

卷三

山水

三十七

麗水啓明印刷所代印

橫截縉雲之小人渠派分東北二堰東堰之水自青林關下奚渡出大溪北堰之水自涼棚峽上河壩九里阪上下堰古黑橋河出大溪計東堰所溉田不及北堰十之一二志稱好溪堰溉田數百餘頃者蓋兼東北二堰言之也嘉慶十六年前守涂公以翰興修惟北堰猶未施工二十一年余守茲土值歲大旱田禾皆槁城闈以北爲尤甚以北堰未復而東堰所注者不能逮也余周行審視謂宜及時修舉適董申張麟王正燦等以有田受溉之家踴躍捐輸告爰於十一月肇工至次年三月工竣計費緡錢九百餘而北堰遂以就治夫渠堰之成爲利大矣顧往往以爭水涉訟又瀕河者多據以爲禮專利自私不能無弊則有南陽均水刻石立約以及三輔檢校諸渠碾磴盡毀之古法在隨事治之可已

道光十五年邑人

譚鳳岐十七年署知府于尙齡並隨宜修濬二十二年大水渠堰並壞次年十月溫處道慶廉檄麗水縣知縣侯圻修之閱六月告功咸豐三年大水堰復壞渠亦漸淤耕者於下種後并力以樹與石障水入渠隨障隨冲渠旁田幾成石同治

四年知府清安適濬通濟渠因委經歷鄭國士暨邑人潘紹唐周樑冠等修東北二渠計畝輸錢壘大石爲堰捷以竹木堰遂固渠之淤者以次疏之灌田雖少於西堰而功實相埒民國紀元大水堰冲坍三十餘丈知事李平委邑人莫鳳翔劉克昌等計畝輸錢以修之并濬東北二渠十一年秋大水爲從來所未有堰壩全冲自浪蕩口至分水壩沙堆石積無故道可循知事李鍾嶽委邑人劉廷煊等悉心籌畫大壩稍易舊址新築分水壩鑿新渠一百七十丈並濬疏東北二渠計費銀圓壹萬零柒百肆拾圓除知事籌撥工振銀圓貳千圓外餘悉按畝輸銀六月竣工知事李鍾嶽爲文以記之（重修）

麗水縣志

卷三

水利

三十八

麗水啓明印刷所代印

好溪堰碑記麗水山縣也依巖壑爲畝畝遇小旱卽涸焉城之東十五里有好溪自唐段公成式時始壘石爲堰引溉諸田共六千餘畝附郭居民咸賴之雖山水暴漲屢圯屢修迄於今未嘗墜千戊夏予宰是邦甫三閱月縉邑蛟洪暴發好溪地居下流堰頽青林凡數十處蕩爲澤國農號於畝商止於途邑士大夫變色奔走相告語蓋奇災也堰之遺址亦於此時摧頽無存予與諸父老著芒鞋撫災黎幾廢寢食籌所以振貸之法劉紳乙照譚紳午峯又殷然以修復此堰爲念予以大災之後集資不易瀝情上人聞蒙撥工振款凡貳千金以資倡率標投計估不敷尙鉅邑之人極知水利爲農田命脈所關咸踴躍樂輸議既定爰是按畝分配上中下有差得白金捌千金用成斯舉故堰當靈鷲之衝湍流激蕩今移於下游去舊堰十五丈而更新之殺水勢圖永存也當經始時予與劉紳任其勞雨雪之朝風月之夕霜冽冽濺衣袂循是以後劉紳獨任其勞雨雪之朝風月之夕無役不從迄忘所苦予則不時躬臨督其工作見夫淘沙壘石畚鍤交施恐後爭先而歡喜可知矣綜計是堰之成長一百三十丈廣八丈深五尺堰口濬深一丈廣二丈口以內關新渠一百七十丈有奇深廣如之築分水壩東北二支堰均同時修復起壬戌仲冬迄癸亥孟夏計其功當六月費當萬緡是役也予雖請款於上倡率於前微劉紳譚紳艱難宏濟決不克以臻此

而莫紳鳳翔周紳鳳元莊紳志周亦與有力焉工既竣是秋大水更甚於前沿溪橋梁無一完者而此堰巍然獨存則是造物者亦鑒我層憲我父老輸財戮力之忱姑留此以酬其劬勤報其盛德也歟因喜而記之

龍石渠 在縣南二十五里源出大梁山經周庵陳店前田利

坑匯章巷水合流於琴山之龍石入溪灌田十餘頃

仁濟渠 在縣南二十五里利坑口琴山龍石二莊之田受灌

溉者三頃有奇

黃泥渠 在縣西二十里白橋莊水由郎奇下流灌田數頃民

國十一年石壩被水冲壞十二年葉萃鑫李賓士等集資重

修

百眾塘 在縣北五里二十八都額八畝三分有奇

麗水縣志

卷三

水利

三十九

麗水啓明印刷所代印

將塘 在縣北十里徐宅莊計額二十二畝四分一毫二絲九

忽

菱塘 在縣北二十七里

平陽岡塘 彙紀作平陽峯塘 在縣北二十里

洪塘 在縣西五十里寶定莊周九百八十二弓計額三百三

十四畝八分三厘四毫七絲二忽

(案)舊傳宋開禧間郡人參政何澹奏調本州兵三千

溶通濟渠峻命鑿此塘府志因之又傳澹調洪州兵所鑿浙江通志因之論者頗以調兵為疑今考宋制大興作故得調發如丁寶臣杭州石堤記稱知府楊偕條上方略詔發江淮南二浙福建兵是也惟一以為本州一以為洪州靡所徵信故括蒼彙紀並沒其文

山塘 在縣西五十五里悟空寺前歲久填淤黠者墾佔為田

道光二十五年知縣張銑親詣履勘丈定二百弓額十三畝
八分八厘八毫八絲九忽濬之以復其舊焉

潘塘 在縣西五十里箬溪口大十二畝

馱塘 在縣西五十里箬溪口大十二畝

許堂塘 在縣西四十五里巖頭大十二畝

金川塘 在縣西五十里前窰大十二畝

五池塘 在縣西四十五里楊山口

思齊塘 在縣西四十五里楊山口

樟樹塘 在縣西四十五里楊店

車戽便民塘 在縣西四十里金村前

麗水縣志

卷三

水利

四十

麗水啓明印刷所代印

便民塘 在縣西四十五里新溪

(案) 府志及屠本仁縣志稿有趙塘林前塘龍後塘章塘上原官塘岑塘等目考此皆淤蓄通濟渠餘水之處今不別出

冷泉塘 在縣西四十里岑溪蘭山之間有清泉穴出盛夏不

竭可灌田數百畝

伯公塘 在縣西四十里岑溪伯公廟內與廟外一塘泉脈相

通可灌田百餘畝

西湖塘 在縣西四十五里魏村莊廣十餘畝

葑塘 在縣南七十里賽院俗名葑洋河有泉自葑田中出灌

溉所及凡二十里

沙塘 在縣東五里上保莊額計十畝一分一厘三毫三絲八

忽

桑村塘 在縣東五里楓樹莊額計九畝九分一厘四絲二忽

李浴塘 在縣東十里

齊塘 在縣西二十里石牛灌田數頃

上塘 在縣西二十里任村

三眼塘 在縣西二十里白口

五泉塘 在縣西三十里郎奇莊吳寬容丈業盛旱不竭賴以

灌溉者凡五里

附井 關公井

在通惠門內宋元祐中州守關景暉所鑿井泉甘冽號關公泉(案)舊云在治南橫街考宋州

治在小括蒼山其南街即今通惠門街也門內有井三惟俗名棺材街者泉味尤勝或以棺關同音致誤耳

觀

麗水縣志

卷三

水利

四十一

麗水啓明印刷所代印

前井

在元妙觀前今名大井石闌刻萬歷七年重修

花樓井

在括蒼門內

柴樓井

在柳

邊亭

杏花井

在南明門內小橫街今廢

桂花井

在南明門內為城中井泉第一

萬象

井

在萬象山泉白如乳道光二十一年僧德鶴命工鑿深之得石髓泉不復白

白塔井

在白塔頭

市後井

在梨園市後

聯桂井

在聯桂坊前

槐花井

在七星廟右

樹德

井

在鎮東樓下樹德橋左

鶴鳴井

在太平坊深五丈圍三仞甃石於底錮之以鐵明萬歷初居民被火

瓦礫填委遂廢崇禎五年知府朱葵濬復之郡人王一中建神祠於旁為記刻石

高井

在郡治北高井巷石

欄刻明嘉靖某年重修道光五年紀

通惠井

在通惠門外丁字橋南

甘泉井

在縣北二十五

里甘泉 葉宅井

在縣北二十五里張村街日午時有青苔上浮不可飲餘皆澄清

仙井

在縣

北五十里普慈寺齋廚後寺以每歲二月十九為觀音會三村輪值值黃村則水濁不堪飲值金村則清淺不給值富村則澄

泓衍溢累試不爽

香井

在縣北四十里梅田莊水微香

高樓井

在縣北六十里西溪庄深不盈

丈而亢 旱不竭 **龍眠井** 在縣西三十里河莊井旁 **頭甲井** 在縣

西四十里碧湖上堡莊 **高巷井** 在碧湖中堡宜醱一名毛街井 **竹嶺井** 在碧湖下堡湯氏祠

前一名 **道士井** 在縣南十五里四都後涸 **均溪井** 在縣南六

十里均溪村村舊有 **瀝泉井** 在碧湖底湯街宜醱 **龍門井** 在縣西

井三十六今存者四 九龍中堡夏涼冬溫宜飲宜醱 **馬蹄井** 在縣西二十里白橋夏涼 **夏王**

廟井 在縣西三十里章莊井水高於湖水五尺甚清冽

清香橋 在通惠門內濠水從橋下入過橋為淨池即古放生

池 宋紹興十五年郡守徐度植荷池中因以得名

槐花橋 在小魯街東

聯桂橋 在縣學西

麗水縣志 卷三 水利 四十二 麗水啓明印刷所代印

張公橋 在萬象山下名勝志云舊傳呂洞賓洗楮被於此故

橋下水不臭穢

合掌橋 在張公橋南合十石以為橋故名

濠頭橋 在濠頭街

梨園橋 在梨園廟前

廣運橋 在倉前今名倉前橋

應星橋 在縣治東南一里以郡應處士星故名宋嘉祐中州

守崔愈於橋西作堤捍水就橋立屋開禧中州守王庭芝更

為樓葉宗魯為作應星樓記

通惠橋 在通惠門內為大街第一橋

黃靈橋 在太平坊橋上舊有黃靈觀故名

明秀橋 在府前今名耐心橋 府志云在舊驛前誤

樹德橋 在鎮東樓下

平政橋 舊名濟川橋在南明門外造舟為梁聯以鐵綆宋乾

道四年州守范成大新之名曰平政核廢寺田租以資修治

刻名及橋規於石 范成大平政橋記括蒼帶郭浮橋歲久弗葺民病涉乾道四年冬郡守范成大實始

改作郡從事張徹惠利民麗水縣留清卿調其工費以授州民豪長者四人使董役吏無得有所與凡為船七十二聯續架梁

為梁成名之曰知津又得廢浮圖之田五十畝於縉雲以其租屬亭歲時治橋俾弗壞明年正月前晦三日大合樂以落之衆請

銘具事於石使後有考銘曰孰梁斯兮踏淵若衢我維新之櫛櫛其轡工休於亭有粟在

縛豈惟新之永以不朽 後田沒於官橋遂廢明祖稱吳國

麗水縣志 卷三十一 水利 四十三 麗水啓明印刷所代印

公時遣參軍胡深鎮栝改建於上流桃溪下旋以水勢漂疾

徙栝蒼門外洪武中知府袁敬修之永樂八年汨於洪水景

泰間知府張祐請於大吏以各縣田額科取修葺設役守之

橋兵三十名 總甲二名 隆慶五年知府江應昂撥南明寺田 二十一畝 元

妙觀地 二十畝 徵其租為修造費萬歷五年知府熊子臣重造

之遇驟漲則解散比船別以二船更渡二十二年知府任可

容以橋廢增置渡船二十八年知府李淳因民請改建於南

明門外故址 明續府志造橋舊規每橋一扇僉橋戶一名委縣正官集里老從公舉報其橋價兌足驗封當

堂洽散立限造完並無催督之擾是以賠費不多樂於趨事而橋亦堅久近報僉委之佐領適遂魚利之謀各富戶所領官價

未及而朽壞不堪夫昔之用法者如彼今之用法者如此當事

君子慎勿以利 三十五年知府陳見龍復建於栝蒼門外歲
民者病民也

久復廢租又入官無船以渡民苦之崇禎元年守道張福臻

命同知馬承緒造渡船給以租未一載租又入官船廢知府

朱葵捐金造橋如舊清康熙初閩寇燬橋復以船渡五十一

年縉雲袁大振捐田十一畝為造船費雍正八年知府曹掄彬

銳意興復期年橋成（曹掄彬記）雍正七年掄彬來守郡諮訪利弊惟茲橋為急乃商同僚屬設法捐

修計溪寬八十一丈需船四十八隻每船闊七尺長四丈面
四十八節每節闊一丈二尺長一丈六尺餘船六隻以備溪漲

添用鎖鍊二條鐵重五千五百八十餘觔鐵箍一百八十個每
個重二觔兩岸建亭北亭曰綠波樹宮保總督李衛碑文置橋

夫三十二名季給工食取於麗水地丁存留項下舊有渡田五
十畝在三四兩都給橋夫耕種為善後圖是役也相度於七年

之冬經營於八年之夏落成於九年 是後修廢不常（案）口圖

之秋尙望繼起君子時加補苴焉

麗水縣志

卷三

水利

四十四

麗水啓明印刷所代印

政橋碑云前守王文充踵事橋復整又云郡守鄭勳動項重葺
年月剝蝕無考蓋乾隆中事嘉慶二十五年貢生鄭耀捐造渡

船并捐田十一畝二分有 道光十四年大水比船研岩汨沒
道光九年知縣黎應南碑

鐵綆亦隨流去咸議改建於南明矣十七年署知府于尙齡

往視之謂仍舊便核其租入刻期興工簡里中賢豪嚴程督

之踰月而成咸豐二年上流大水驟至船隨流漂沒鐵綆亦

沉橋遂廢同治九年知府馮譽驄謀建復而絀於資適有遂

昌職員毛復裕捐錢一千二百千慶元貢生葉成珊捐錢百

千益以遞年存貯租銀委經歷鄭國士職員潘紹唐董其役

閱兩月訖工樹碑於溪南仍題曰平政橋（馮譽驄平政橋記）
同治九年太歲庚

午高要馮譽驄來權郡事緬趙宋范公之遺構范金剗木重作
是橋橋之工興廢閱八百年自南徙西皇朝曹公實勤實治茲

繼其武九月始事十月畢工銘曰
政既平橋既成涉大川利且貞
十一年橋復壞知府潘紹

詒重修(賦役全書)廣濟浮橋夫十六名每名銀四兩

(案)浮橋之在括蒼南明二門迭為興廢議者各持一是今考昔之在南明者以大溪水勢橫齧括蒼北岸岸積沙不能禦而南明較平緩也元大德中築水障於上流則括蒼較緩而南明為駛明代所以舍南明而就括蒼也萬歷中李太守因南明舊址築隄障為捍衛旋即傾圮則謂必在南明者非通論矣至術家謂徙南明則人文為利無稽之言所宜塞耳也

光緒以來迭遭水患旋修旋壞至民國肇興府制既廢經費

之在各縣者多截留不解三年知事郎允麟募修八年知事

涂貢琳募修十二年知事李鍾嶽募修不久復被大水冲毀

當事者屢請工師測量水勢擬改造鐵橋以資永久恐仍絀

於費而難集事焉濟川橋田畝租數坐落本縣一部田地塘共二十五畝三分七厘八毫五絲九忽

麗水縣志

卷三

水利

四十五

麗水啓明印刷所代印

四都共地一十五畝六分三厘九毫四絲七忽

靈昭橋 在縣西十三里

通濟橋嘉靖浙江通志作廣濟考廣濟在括蒼門外通志誤 在縣西二十里石牛莊維

舟為梁明制三年一修五年一造額設橋兵四十名(賦役全書)通濟

浮橋夫七名每名工食銀五兩加閩銀八錢一分六厘六毫六絲六忽

普濟橋 在縣西二十里趙村莊道光二十四年里人武舉何

煥卿等造民國元年壞於水七年灣竹歲貢李昌鑫重修

福安橋 在縣西三十里下季村道光七年九龍生員葉加恩

造生員葉福三葉廷槐重修民國元年壞於水九龍生員葉

紹裘吳塏劉文慶募捐重修舊用石柱改用石墩更名曰萬

福橋

發龍橋 在縣西二十五里下季村明嘉靖間造清乾隆間里人吳鈞修道光二十三年郎奇莊周作霖修光緒三十年里人趙吉紋修民國以來屢壞於水紋妻馬氏同子煜林重修
白橋 在縣西二十五里

萬恩橋 在縣西二十八里余村明季造橋下爲放生潭民國元年壞於水五年灣竹歲貢李昌鑫重修

躍鯉橋 在縣西三十里李湖莊

臥波橋 在李湖莊

蓮花橋 在李湖莊

麗水縣志

卷三

水利

四十六

麗水啓明印刷所代印

積善橋 在縣西三十一里何村清康熙三十年蒲塘楊尙增造道光十五年楊作霖修同治元年燬於粵匪九年邑人潘紹唐重造民國元年壞於水朱村朱根順重造改石柱爲石墩

貞女橋 在縣西三十五里風山下爲貞女某氏所造

石刺橋 在縣西碧湖下堡

留愛橋 在縣西四十里鎮溪

鳳臺橋 在縣西四十里碧湖中堡

高巷橋 在碧湖莊

清明橋 在碧湖廣福寺後宋紹熙間進士紀鄒卿以清明掃

墓病涉造橋墓前遂以爲名

清溪橋 在縣西四十里高溪

蘭山橋 在縣西四十五里蘭山頭乾隆九年里人金炳造

萬年橋 在縣西四十三里姥嶺前嘉慶廿四年造

廣福橋 在縣西碧湖中堡

濟源橋 在縣西四十五里姥嶺下道光十九年里人魏士光等造

朱村橋 在縣西五十里通濟堰葉穴上

家仁橋 在縣西四十五里蒼阮舊爲木橋道光十九年里人魏士才易以石

麗水縣志

卷三

水利

四十七

麗水啓明印刷所代印

石犀橋 在縣西五十里石犀牛上通松遂二邑岸近溪易崩故做李冰在城都故事爲石犀厭之

七星橋 在縣西四十五里三峯莊

三陽橋 在三峯莊

鎮南橋 在縣西五十里南溪村道光二十一年造

鎖川橋 在縣西五十里南溪村道光二十年里人魏廷垣等造

雙阮橋 在縣西七十里十八盤嶺道光十六年里人黃谷有造

砥柱橋 在縣南九十里木寮莊

旁山橋 在縣南七十里旁山莊

礮門橋 在縣南六十五里上井小井二村間嘉慶六年造

公起橋 在縣南六十里大杉嶺下

後亭橋 在縣南六十里北部延昌寺後道光二十二年里人

葉顯魁造

步雲橋 在延昌寺後葉顯魁造

張庵橋 在縣南六十里北部

礮嘴橋 在縣南六十里嶺下莊嘉慶間何村徐壽造

吉宿橋 在縣南六十里均溪大浪灘右明何一中造

華豐橋 在縣南六十里均溪莊大杉源水出其下

麗水縣志

卷三

水利

四十八

麗水啓明印刷所代印

樂雲橋 在縣南五十五里河邊

渡南橋 在河邊莊同治十年里人葉長春造

武漚橋 在縣南六十里董村亦名董村橋相傳武氏媪所造

邊有武漚廟

蒸雲橋 在縣南五十里石侯村又名石侯橋

樂水橋 在縣南四十里礮頭嘴下長三十二丈嘉慶五年造

楊村橋 在縣南三十八里

合印橋 在縣南三十里上沙溪莊嘉慶十六年里人項起孝

等捐造後水圮咸豐七年項以鎮捐造

臥龍橋 在縣南二十五里龍石莊旁有臥龍亭

大石橋 在縣南二十里

五銖橋 在縣南三里天井嶺下舊爲木橋有僧過墜水泅而出得五銖錢一甕於岸以錢更爲石橋焉

南明橋 在南明山下道光十四年僧達識重造

下嶺橋 在縣南三里舊名下里道光二十年里人譚鳳歧造
改今名橋上建亭曰濟安

源頭橋 在縣南八十里道光十六年村人捐造

陳村橋 在縣南八十五里道光廿八年村人捐造

接濟橋 在縣南四十里松坑口同治九年葉文濤徐元泰闕
廣颺林萃英葉瑞榮章寶書等捐造

麗水縣志

卷三

水利

四十九

麗水啓明印刷所代印

下庄橋 在縣南九十里咸豐六年村人捐造

河村橋 在縣南六十里各村捐造

通濟橋 在縣西南百二十里木寮下同治三年李國標葉寶
樹徐琨等捐造

登青橋 在縣東廿五里大阮莊道光二十五年造

通濟橋 在縣東十里水東梅溪二村捐造

雙橋 在縣東二十里巖泉莊

鐵店橋 在縣東十七里巖泉莊

雅麗橋 在縣東十五里鴉阮莊

留步橋 在縣東十五里鴉阮莊

仙人步橋 在縣東十二里巖壑今廢

下黃橋 在縣東十二里黃泥墩莊

留橋 在縣東十五里望城嶺

馬光橋 在縣東五里奚渡莊

南橋 在縣東五里下河莊九里亭下

黑橋 在縣東巖泉門外二里

馬明橋 在巖泉門外

行春橋 在行春門外

仙人擲杖橋 在縣東北六十里阮里莊古樟橫臥澗上可通

往來

麗水縣志

卷三

水利

五十

麗水啓明印刷所代印

福清橋 在縣北七十里阮水口

五官橋 在縣北何宅阮里翁氏造

鶴阮橋 在縣北四十里舊架木爲之水發輒壞道光十三年

里人何雲階易以石

延福橋 在縣北四十五里桑溪莊明何鋼造久圯清道光二

十三年重建

萬安橋 在縣北五十里洪渡莊舊名金竹口橋清道光八年

造知縣黎應南有記

上福橋 在縣北六十里西溪莊道光十年造

東山橋 在縣北六十里東山莊

德濟橋 在縣北七十五里庫頭莊道光二十一年造橋西爲

庫頭汛營房

雙源橋 在縣北八十里庫頭莊道光二十一年造

上陳橋 在縣北六十五里

太平橋 在縣北三十里

葉崙橋 在縣北二十七里

拓後橋 在縣北十里

雨橋 在望京門外又名北郭橋清乾隆四十年里人張繼日
等重修教授吳懋政有記

福星橋 在縣西北六十里道光二十四年蓮房村人造

麗水縣志

卷三

水利

五十一

麗水啓明印刷所代印

平水橋 在縣西北與宣平接界處故名屢壞於水近歲里人
何學仕潘卓等集資修築

仙人橋 在縣西北二十五里橋石皆豎立清乾隆間有數石
崩落匠者依倣爲之工不就仍以臥石補成

裕橋 在縣西北二十五里張村街一名裕塘橋清乾隆間宣
平江志維造入民國後被水冲毀十二年重修改名觀音橋

石獅橋 在縣西北二十八里牛軛嶺下里人曾省吾等造

官橋 在縣西北二十里

蘆灣橋 在縣西北十里蘆灣莊

湯橋 在通惠門外湯山下麗陽之水經此入大溪故又名溪

口橋

三巖橋 在通惠門外三巖寺前道光八年僧寶祥造

蓮渠橋 在通惠門外

丁橋 在通惠門外

同福橋 在縣西三十里下陳清光緒元年郎奇吳國周造民國元年壞於水九龍葉紹裘募捐重修十一年又壞於水撥

工賑重修

玉龍橋 在縣西三十里九龍民國八年里人葉紹麟造

渡濟橋 在縣西三十里蒲塘

黃山橋 在縣西二十里下堰清道光年間里人鄭泰造光緒

麗水縣志

卷三

水利

五十二

麗水啓明印刷所代印

二十七年鄭思泮鄭克昌重修

水面橋 在縣西二十里下堰

玉橋 在縣西二十里白橋民國元年壞於水李乾寬李進謙

李蔚明等募捐重修

濟衆橋 在縣西三十五里缸窰同治九年劉大魁造被水冲

壞民國十二年里人鳩資重修

沙岸橋 在縣西四十五里沙岸

家仁橋 在縣西四十五里蒼坑里人魏士才造被水冲毀南

坑貢生賴佐臣重建

繼述橋 在縣西四十里度吳武生楊亦春鋪以木其孫生員

楊志廉改用石板

白龍殿橋 在縣西三十五里資福

合義橋 在縣南十里吳街口莊清宣統二年里人孫發貴募

捐建造

橋邊有碑記

悠遠橋 在縣南二十里下張村頭橋邊有壩灌溉田畝

寶川橋 在縣南沙溪坑頭卽舊合印橋清嘉咸間項起孝項

以鎮等捐資建造嗣因傾圮民多病涉至民國三年俞寶善

王良川王水川三人合資修築

歡迎橋 在縣南陳店庄民國元年冬由項說圻陳光黼等捐

造

麗水縣志

卷三

水利

五十三

麗水啓明印刷所代印

天師橋 在縣南陳店莊清同治六年冬由陳太和陳登茂等

捐造

樂善橋 在縣南二十里黃衝口民國六年村人張玉桂譚培

基譚登庸孫法貴等捐造

赴龍橋 在縣南二十五里下洛陽清光緒三十年鄉紳耿長

川黃水海沈德和等捐造

龍門橋 在縣南水閣莊外三里許爲七邑通衢之橋

乘濟橋 在縣南葉塢莊之東垵山源出石牛溪先年以筏作

渡嗣吳乘之出資改建石橋

鎮雲橋 在縣南下章清光緒八年由蔡希邕劉紹章朱雲星

吳金水朱流芳劉天方等募建

濟生橋 在縣南下章莊清光緒二十八年由項培芝劉毓棠張守書劉相榮朱雲星藍仁有等建造

陳村橋 舊載陳村橋有二一在村下一在村上波流險惡一遇洪水輒被冲毀村人恆慮修復之難焉

義振橋 在南元區礮頭嘴莊清同治間大港頭周士潮捐造石橋未幾被水冲毀河川葉純修堂架以木橋又被漂沒民國十二年配撥省工振款七百元由河川葉天籟督造故顏曰義振里人葉景清等并組織橋會集資捐租以備修葺

源頭石橋 在縣南七十里源頭莊有泉自岩罅中出若檐溜麗水縣志 卷三 水利 五十四 麗水啓明印刷所代印
然清澄異常内含礦質斗水加重五兩橋旁綠樹陰翳盛暑過此人輒憩飲

明濟橋 在南元區牛軛嶺民國十二年由梁仁貴胡紳呂佐周等出資建造橋址由松溪胡作猷捐助焉

大林潭橋 在縣南七十里光緒二十六年徐山小井方徐二姓合造

西坑口橋 在南元區外西坑莊道光十四年雲霧坑葉錫麟捐造

龍田橋 在縣南六十五里河村莊清同治元年小山貢生呂榮懷捐造

龍潭橋 在縣南河川莊

高橋 在南元區河村莊外民國七年徐志福捐造

黃眯橋 在南元區部里斜葉貞樟造木橋民國二年由其曾孫葉望楚捐建爲石橋

通濟橋 在南元區箬溪莊水口

下坑橋 在南元區河川蓮河之間民國十三年義振橋會捐造

鼎新橋 在南元區北埠莊舊名張菴橋架以木民國九年里人袁福謙呂卓富袁景唐建造石橋

品新橋 在南元區楊山嶺脚民國十二年里人袁景唐呂卓

麗水縣志

卷三

水利

五十五

麗水啓明印刷所代印

富袁福謙合造

永安橋 在南元區陳坑水口民國八年由里人王鳳崗王信瑾王信嶼捐建

福安橋 在縣北四十里道光十三年里人何雲階造名鶴院橋後圯於水民國元年里人捐貲重建改今名

延福橋 在縣北四十五里桑溪明何鋼造後圯道光二十三年重建同治四年又圯於水同治十三年在城潘紹重建

永安橋 在縣北七十五里庫頭汛營房之東道光二十一年造名德濟橋咸豐二年石碑傾圯三年里人朱景熙重建改

今名

雙源橋 在縣北八十里庫頭庄道光二十一年造同治四年
圮於水同治六年里人朱縉重建

觀音橋 在縣北六十里西溪宣統元年里人捐建

永安橋 在縣北六十里大路邊光緒十七年陳長和朱炳榮
捐建

佛仙橋 在縣北六十里大路邊光緒十八年徐有登朱炳榮
捐建

溪雲橋 在縣北六十里皂樹莊光緒廿一年徐有登陳培金
捐建

萬年橋 在縣北六十里皂樹莊光緒廿一年清武生陳國榮

麗水縣志

卷三

水利

五十六

麗水啓明印刷所代印

捐建

濟川橋 在縣北六十里盧村莊水口

福安橋 在縣北蓮房光緒三十二年里人李廷煌造

賽六橋安欄橋 在縣北蓮房光緒廿六年里人周維新周忠

秋李廷煌高煥文等捐造

利生橋 在縣北六十里盧村莊水口

普濟橋 在縣北六十里盧村莊水口

大觀橋 在縣北六十里盧村莊水口

連和橋 在縣北六十里盧村莊光緒二十一年國學生朱聚奎捐
建

萬安橋 在縣北六十里盧村莊

山仙橋 在縣北六十里盧村莊

三界橋 在縣北六十里盧村莊光緒廿八年國學生朱聚奎

捐造

步雲橋 在縣南三十五里下章莊清光緒八年由吳國順等

募緣建造

飛虹橋 在縣南四十里陳滌民國二年由里人項升庭項說

斯張子輿項希斯等建造

赴龍橋 在縣南二十五里琴山莊清光緒二十九年里人沈

作宜黃水海等捐造

麗水縣志

卷三

水利

五十七

麗水啓明印刷所代印

仁濟橋 在縣南二十五里利坑口清光緒九年里人譚作樹

等捐造

同善橋 在縣南三十里潘田莊清光緒三十二年由項升庭

張子輿李福川黃坤仁等募造

惠人橋 在縣南三十五里下章莊民國十年由里人劉家訓

劉鳳雲朱雲星項福康等捐建

栝蒼渡 在栝蒼門外

舊有渡田租穀見濟川橋下

清嘉慶二十五年貢生

鄭耀以大水則浮橋解散行旅恆自崖而返因造備渡船並

捐田以給渡夫會其餘羨為修船費

(賦役全書)渡夫一名每歲給工食銀二兩遇閏

加銀一錢六分六厘六毫六絲六忽於地丁存留項下支銷夫鄭耀捐田一十三畝二分租穀二十官石道光九年請禁渡夫

勒索及奸民冒佔田畝勒石於岸續有張麟等捐造渡船二隻張氏自行歲修

南明渡 在南明門外

(賦役全書) 渡夫二名每名工食銀與袁大進捐田五畝坐落

梁勘頭租穀十石又捐地四畝坐落山川壇租錢四千文許士元捐田一畝八分坐落桐嶺亭脚租穀三石二斗五升譚英才捐田一畝五分坐落俞莊前橋頭租穀二石二斗五升

下河渡 在城東五里自栝達甌此為要津明嘉靖初永嘉張

孚敬築石為步萬歷三十七年圯於水知府陳見龍委其屬

修之清康熙二十六年知府劉廷璣築館於北岸雍正八年

知縣王鈞修之渡無公費操舟者必盈載乃發中流停篙橫

索行旅積困嘉慶十八年居人釀金購田以其租給渡夫行

者始免頓滯焉

(賦役全書) 下河渡夫二名每名工食銀同括蒼渡(下河渡捨田碑)王之獻助田四畝

麗水縣志

卷三

水利

五十八

麗水啓明印刷所代印

坐奚渡西阮王之藩助田一畝五分塘一口坐巾山下張邊又田二畝五分坐巖泉莊溫州路王之翰助田四畝坐堰古

櫺木橋王之駿助田一畝三分坐雙靈殿前又助田一畝坐

下堰古漸塘沿又田一畝坐石板路又田八分坐石牌門王

之健助田二畝坐弓岸龍虎壇又塘一口又田九分坐土橋湯

聘尹助田二畝坐五分坐菲畚圩又塘一口又田九分坐山牛阮

砂塘一口又田五分坐楓樹堀又塘一口坐金村莊俞應龍

助田四畝坐苦枝墳派塘岡等處程維晶助田一畝二分坐

大阮口石橋頭朱愛慶助田一畝坐磁窰壽友松助地九

分坐水南五顯殿上王建德助地六分坐下河南橋頭地王

正燦墩田一百八十二分石柱瀛田九分黃術莊田九畝九分又

央溝墩田一畝二分石柱瀛田九分黃術莊田九畝九分又

一口三十三都田一畝金村莊飛雁圩田二畝五分弓岸大

殿基田八分金村莊半邊墳田三畝大坑口巾山下處術田五

畝七分關下畝七分涼亭路下田二畝關下常墳田三畝又買

尙岡田一畝七分少沙塘地四分南橋地三分陳公塘地八分

古城莊朝術口地一畝二分塘一口南橋頭地八分又王正燦

塘地三分術口地一畝二分塘二口南橋頭地六口又王正燦

等捐錢三十千文為生息修聘尹費

捐錢十千文為生息修聘尹費

柳灘渡 在縣東十里佛頭巖下船係龕潭陳姓造(賦役全書)渡夫一名

工食銀與括蒼渡同

風化渡 在縣東十五里

盧步渡 在縣東十里

烏灘渡 在縣東五里古城莊烏石灘游洞溪者必問津於此

今名好溪渡(賦役全書)渡夫一名工食銀與括蒼渡同

清溪渡 在縣東十里水東莊卽府志所云好溪渡也舊只一

船嘉慶間船重而沒死者四十九人乃增置一船購田地十

七畝一分爲修造費立石水東村內(賦役全書)渡夫一名工食銀同前嘉慶十八

年楊添棣捐田二分坐祝村莊雙棟絲又捐田三分坐祝村莊屋後又捐田五分坐祝村麥蒙又捐田二分坐祝村中央墳

麗水縣志 卷三 水利 五十九 麗水啓明印刷所代印

姚汝玉捐田三分坐祝村礮橋又捐田二分坐祝村尹炭廠吳廷勇捐田八分坐水東楊宅後王必重捐田一畝二分

朱大興等捐田地一畝坐梅溪烏墳背張廷相捐沙地一畝坐黃泥墩豆腐店關金鑑捐田三畝坐鴉院熊文光捐田

一畝二分坐阮口記坊又捐田三分坐阮口嶺顏王氏捐田一畝二分坐奚渡西坑又捐田八分坐關下瓦窰頭趙褚氏

捐田一畝四分坐巴岡烏礮口又捐地一片均坐賀家莊葉宅礮口陳黃氏捐田一畝五分又捐地一片均坐賀家莊葉宅

後顧金氏捐田一畝坐烏礮口案熊文光原捐田同治十一年易買水東土名剗船潭田一畝五分

堰後渡 在縣東十五里何村莊(賦役全書)渡夫一名工食銀同前

沈渡 在縣東二十里沈岸莊(賦役全書)渡夫一名工食銀同前

項渡 在縣東三十里(賦役全書)渡夫一名工食銀同前

浯溪渡 在縣北三十里又名太平渡道光二十一年里人捐

田七畝三分地一片計租三石塘二口給渡夫工食之費吳孫

祭捐田三畝坐落顧大阮蔡垵等處諸葛坦捐田五分坐落顧趙街周子旺捐田五分坐落顧雙壇垵王國祥捐田一分坐落花凸吳家岸瓦窰後等處王國財捐田五分地一片計租三石塘二畝又捐錢置買田一畝八分地一片計租三石塘二畝

松溪渡 在縣北三十里竹洲下畧

阮口渡 在縣東二十里阮口莊(賦役全書)渡夫一名工食銀同前

楓樹塢渡 在縣北二十里有渡田三畝有奇坐巖頭下道光八年

曾省吾武丕承林朝清等續捐田地若干畝

黃山渡 在縣北二十里(賦役全書)渡夫一名工食銀同前

吠岸渡 在縣西北五十里

義昌渡 在縣西北四十五里黃嶺上

麗水縣志 卷三 水利 六十

澹灘渡 在縣西北三十里(賦役全書)渡夫一名工食銀同前

竹洲渡 在縣西北四十五里

三港口渡 在縣西北二十里(賦役全書)渡夫一名工食銀同前

陳村渡 在縣西北三十里

吳孝渡 在縣西北

官橋渡 在縣西北二十里(賦役全書)渡夫一名工食銀同前

衆義渡 在縣西北二十里蘇步莊向有田地二十七畝零給

渡夫工食原地二畝八分道光十九年墾為田一坐殿前一畝二分一坐橫路一畝六分潘卓捐田五畝坐

洋垵前一片計三十六畝有奇又原捐沙地四都巖頭下河邊二渡亦名衆義

萬福渡 在縣西柳溪舊有萬福橋燬於寇因以船渡職員潘

紹唐助田七畝給渡夫工食并建屋三間教職黃安瀾生員黃維元耆民李玉松司其出納焉

桃生渡 在縣西北五里

楊山渡 在縣南六十五里楊山嶺下向有北鄉楊姓者捐田

七畝以地在麗松接界處每年松陽縣給渡夫銀二十四兩

均溪渡 在縣南六十五里船係顯善堂修造并撥田租給渡夫工食

玉北渡 在縣南六十五里玉溪北部二村間有田十畝五分

大港頭渡 在縣南五十五里康熙四十八年寶定呂宗誌捐

田以給渡費嘉慶間河邊葉大滿小山呂和韶等捐造渡船

一二隻呂宗誌捐田畝册載稱字六百號六百十四號六百十五號六百十八號一千一百十九號一千一百二十三

麗水縣志

卷三

水利

六十一

麗水啓明印刷所代印

號一千一百二十四號一千一百二十六號以上八項計額田一十畝二分五厘一毫四絲二忽

民國六年由南鄉捐造義渡一隻以免市日交通之阻滯小

山呂翊西江起章捐置河邊金莊田十一石十三年高鵬募

置田租二十餘石補助呂葉兩船渡費並於渡頭建造渡夫

屋兩間

夜渡

先是南鄉呂和韶之子榮懷於咸豐五年以斯渡之卜晝未

能卜夜行者病焉因改篷船使呂葉二船渡夫分日輪宿名

為濟川夜渡現燃燈以照夜行並捐置河邊金莊等處田十

畝九分九厘六毫

石侯渡 在縣南五十里呂宗誌捐田十一畝四分有奇(賦役全書)

渡夫一名工食銀同前 呂宗誌捐田册載珠字號九畝一分一厘九毫二絲四忽又稱字號二畝三分三厘七毫五絲

南山渡 在縣南四十里上南山又名驢山渡雍正元年葉亨

修創立並置田道光十九年增置一舟林趙氏捐田若干畝

黃葉渡 在縣南四十里礮步莊向有箬溪莊黃葉二姓捐田

以資渡費後魏村孀婦齊氏續捐租穀二十石齊氏捐田一坐十八都石

侯莊租穀十石一坐十九都連河莊租穀十石

松阮口渡 在縣南三十五里

縣頭渡 在縣南三十五里(賦役全書)渡夫一名工食銀同前

浣溪渡 在縣南三十里沙溪村葉大昌捐田一畝五分坐前阮陳廣捐田一畝五分坐

麗水縣志 卷三 水利 六十二 麗水啓明印刷所代印

上趙壘 陳式金捐地五分 陳祖行捐地五分均坐溪邊沿

仁居渡 在縣南二十里白峯

黃渡 在縣南八里白巖(賦役全書)渡夫一名工食銀同前

六和渡 在縣西五十里保定為六邑要津故名舊名寶定渡

有木橋惟大水時用船光緒初改建石橋不久旋圯嗣後專

用渡船武舉鄭國樟捐洪塘西田租四石光緒季年里人呂

調陽等募捐置田租十餘石呂亭雲妻魏氏捐堰塘田租五

石以為渡夫及造船經費民國七年高鵬以夜間無人值渡

妨礙交通獨捐玉溪等處田租二十餘石設立夜渡並另造

夜船以便渡夫住宿過渡為六和於光緒初年邑令胡鴻基詩云五月新晴景物齊沿江十里蹈芳

泥波橫淺碧平橋迴煙鎖遙青野樹低一片閒雲人獨往半村
斜日鳥空啼悠然太古田家樂笑語何曾病夏畦(按)此時尙用
木橋故第
三句云云

九龍渡 在縣西三十里紀堡由經堂提撥潘田底隣田租十

石大王殿田租六石碧湖湯中明捐河西岡田地共一畝五
分松坑塍項廷樑捐朱山脚田八分

石牛渡 在縣西二十里向爲浮橋舊紀所云通濟橋者也康

熙十三年燬於寇張呂二姓置二船以渡四十七年張亨華

捐田地十六畝六分有奇四十八年呂宗誌捐田二十一畝

有奇道光三年趙永清捐田一畝有奇(賦役全書)渡夫三名
工食銀同前 張亨

華捐助田畝册載辰字一百八十七號一百九十一號三百三
十六號三百三十八號三百九十九號四百六十九號四百七

麗水縣志

卷三

水利

六十三

麗水啓明印刷所代印

十三號四百七十六號五百三號六百五號 呂宗誌捐助田
畝册載稱字五百五十八號五百六十一號五百六十二號五
百六十五號五百六十六號五百六十七號五百六十八號五
百七十號五百七十一號五百七十三號五百七十四號五百
七十五號五百七十六號五百八十二號五百八十三號五百
八十五號五百八十六號一千一百零四號一千一百三十一
號 趙永清捐田坐
趙村壩頭計畝五分 嗣呂宗誌所捐田畝漸次被水冲坍至

民國十一年祇存二畝其後裔呂調陽等積上年渡租餘款

置徐姑隣田租十石松邑大林田租十石零藉以維持又是

渡向無夜渡光緒三十三年保定呂氏義舉提租穀十二石

僧瑞隆捐石牛等處自置田租十石零作爲夜渡經費

望仁渡 在縣東十五里黃泥墩莊舊無渡船同治四年里人

王全棟王陳珍等捐造渡船一隻渡屋三間又購田地六畝

七分爲修造費

王全棟助地一畝坐橫板 吳番客助渡屋 基址一塊 又買普信寺前田一畝三分虎

裏塘田一畝二分橫堰田一畝二分潭沿地一畝 王陳珍 王金樹合助地一畝坐橫板

巨源渡 在縣南五十里石侯舊置船二至乾隆間西阮徐士

光前山李榮鴻及下園陳村下庄增設一船復助渡屋一座

田租十八碩以給工食同治元年匪燬徐琨李國材等重造

又助田租十四碩正

巖頭渡 在縣西十五里下堰生員葉開先助渡屋基地八分

貢生鄭耀助白巖田三畝光緒間里人生員黃紹鵬黃紹熊

王瑞新募捐購田四畝零 白橋黃泥壩二畝二分五厘白高 橋岡一畝 邱奇上下一畝二分

低級李春貴捐開墾田三畝張村林姓捐河頭地七分五厘

麗水縣志

卷三

水利

六十四

麗水啓明印刷所代印

里人李德謙捐余垵田一畝巖頭下周董氏捐邱奇上下田

四分

霞江渡 在縣西四十里碧湖霞江埠清紳士葉文濤募捐田

畝經費不敷由紳士沈國琛葉大勳葉壽椿湯西賓等認捐

吳溪渡 在縣西三十里吳塢清咸豐八年設立 周作霖助地 三畝三分

朱廷魁助地三畝 程招林助田一畝 嗣因渡產被水冲坍民國元年續捐常款

劉文慶助大陳田二畝六分 又桐樹坪地三畝二分 葉加 禮助夏葉田五分 又橫圳田七分 吳雲海助租一石 葉

紹裘助地 價十元

任溪渡 在縣西二十里任村任邦國助白橋田十一畝任村

地一畝二分白峯沙地八分梁鴻才助任村田七分

衆立渡 在縣西二十里港口里人顏庚彩募捐置黃山田一畝五分蘇埠田一畝三分

資福渡 在縣西三十五里資福由普應廟撥田地四畝有奇縣頭項陳華捐上沙溪田一畝零

白溪渡 在縣北五十里光緒十一年洪渡李學江等捐造並置田十二畝

均溪渡 在南元區均溪莊共有渡租八畝渡船屋一座民國己未年由本村邑庠生何蒙張募造

霞江渡 在縣南四十里民國七年松坑口胡紳呂佐周胡綏胡綺等捐造

新義渡 在南元區新溪莊民國十二年梁開發等捐造渡船鐵壩 在南明行春二門之間二門瀕大溪山水斗發居民首被其患故老謂明誠意伯劉基斃石禦水錮以鐵汁壩存則水不入城嘉慶五年署知府張士楹捐俸修之今愚民竊石爲垣礎浸壞舊防有土者當懸爲厲禁也

鐵壩 一在琵琶洲南初水南頰阨於水斃石爲壩以殺水勢乃北岸多懸崖峭壁水仍橫決南流清同光來舊址僅存十一入民國水南路冲隄決爲患尤烈十二年春知事李鍾嶽會同華洋義振會長法人蘇若望撥工振銀一千六百元於是年二月興工六月竣事壩身長計一百三十丈高計五尺

至一丈不等

大王壩 在城南二十五里麗坑口灌溉琴山龍石兩莊田畝
民國元年被水冲圯由田戶捐修

之而壩 在城南二十五里前店莊灌溉前店麗坑兩莊田畝

龍門壩 在縣南水閣莊外三里許源從楊山尖來約十里西

流壩旁日月二山扼守其間上有石橋高二三丈為七邑通

衢大路該壩被水冲圯迄未興修對於壩內農田水利大有

妨礙因補採入以望集資修復

水障 在栝蒼門外琵琶洲北先是郡城屢遭水患元大德七

年有異人不知所自來鳩資壘石捍禦上流使毋橫決入城

麗水縣志

卷三

水利

六十六

麗水啓明印刷所代印

閱十年甫成而去居民咸享其利呼其地為仙人渡後稍圯

州守韓裴修之明嘉靖七年知府潘潤以洪流蕩漱障內空

運石增築

(金文詩)是誰礪石為高障從此洪濤不敢
狂郡郭無虞民舍固栝州千古賴隄防

廈河水障 在廈河下埠廈河中岸溪流橫繞南沙日積每逢

大水勢橫決為患尤烈光緒庚子夏霖雨兼旬山水暴漲城

廂內外水高數丈居民咸抱其魚之歎郡守趙亮熙因捐廉

倡築隄防甃石為障以備水患光緒二十九年季秋隄工告

竣於是水勢始無橫決之患

(處州知府趙亮熙廈河隄障記)
行春門外五里許曰廈河村

之前一水盈盈環繞如帶曰迴溪是溪也闔郡之衝要九邑之
咽喉千山萬壑之水奔而來者至此一束匯合而赴甌江焉邇

者溪之南沙磧日高溪之北田疇日陷山水為沙阻而流不暢往
往橫決以貽諸民患歲庚子夏雨積日山水暴漲城廂內外莫

不抱其魚之憂越日水退二三耆舊思議築隄障之窘於賞難
以集事予爲捐廉以倡於是郡之殷富亦踴躍樂輸歲辛丑相
灼地勢經之營之唯慮基趾弗堅工程弗善難垂永久寸衷焦
事於仲冬以慶安流而歌樂土者莫非此隄爲之障也且以爲
尺非神力不及此也隄自青蚨三嶺計四丈一尺縱長二十丈四
陸理問繼賢鹽局委員晏大使同書貢生王國香
趙維城監生王邦興生員王邦佐例合具書於碑

